

Isipla wei long promotim bisnis bilong yu

GUTPELA KWALITI, GUTPELA PRAIS LONG PNG

Bisnis Kads | **K120** | **K175**

200 kads + takis
Printin tasol
Wanpla sait, ful kala 300 gsm pepa.

200 kads + takis
wantaim disain wok

Only at... **THEODIST LTD**
THE STATIONERY SUPERMARKET
Waigani Drive, POM Markham Road, LAE
Phps: 313 9800 / 7232 1300 Phps: 472 5488 / 7191 7854
sales@theodist.com.pg sales@theodist.com.pg

KOLIM MIPLA NAO!



Lukim pes 13

Philemon Tame i raitim

PRAIM MINISTA Peter O'Neil i putim K20, 000 long ol wan wan pilaia husat bai winim gol medal.

O'Neil i no lus tingting long ol silva na brons wina, we em i tok long putim K10, 000 long ol silva wina na K5, 000 long ol brons wina.

Em i makim maus bilong kantri na i tok moa long taim ol i welkamim Tim PNG (TPNG) long go insait long Pasifik Gem insait long Mari Bareks olsem, "Mipela i tok tenkyu na i amamas long ol pilaia husat ol i sanap wantaim yelo we ol i go insait long seleksen."

Em i tok tenkyu tu long ol tim opisa na kosa long ol i kamap wantaim fainel seleksen bilong ol na ol tu i ken amamas long namba wan wok ol i bin mekim.

"Yupela i karim olgeta driman we ol pipel bi-long dispela kantri i gat, na bai soim kala tru bi-long yupela long ol."

"Olgeta manmeri bilong PNG i no inap long pilai olsem yupela bai pilai, na em i wanpela bikipela samting long wenem, yupela i makim maus na sanap long nem bilong PNG."

"Olgeta manmeri, gavman na PNG i stap long sait bilong yupela long strongim na sapotim yupela long winim olgeta gol."

"Gavman bilong tude tu i mekim gut we em i wokim olgeta pilai graun na ol hap bilong slip pinis long olgeta Pasifik Ailan kantri na PNG tu bai yusim long taim bilong gem."

Long wankain taim, O'Neil i kam wantaim sampela ol lida bilong kantri em Fainens Minista James Marape, Spot na Pasifik Gems Minista Justin Tkatchenko na Nesenel Kapital Distrik Gavana Powes Parkop.

Ol dispela lida tu i stap baksait long Tim PNG long em i ken winim dispela gem, long wanem Tim PNG bai kalarim nem bilong kantri, taim ol i winim gem.

Sef de Misin bilong Tim PNG, Richard Kassman, i tok, Tim PNG no ken kam bek, no ken sarena na go long winim gol, long wanem, em bai difendim PNG long gem.

Gavman makim K20, 000 long gol medol

- K10, 000 silva - K5000 brons



Linda Pulsen i kisim plak long Praim Minista Peter O'Neil long karim long taim bilong opim Gems long Sarere.

I go moa long pes 2

Pacific Games specials

Share your games experience with the world. Upload pictures, make int'l calls and talk to your mates as much as you like.

Learn more: Send **GAMES** to 1655 or call us on 76003555.

support@bmobile.com.pg

www.bmobile.com.pg



BMobile-Vodafone i skruim netwok sevis

Philemon Tame i raitim

BMOBILE Vodafone i skruim netwok sevis bilong em insait long Pot Mosbi long taim bilong Pasifik Gems (PG).

Grup CEO, Sundar Ramamurthy, i tok, driman bilong mipela em long givim narapela namba wan rot bilong mekim mobail komyunikesen wantaim ol pipel bilong Papua Niugini na Solomon Ailan.

"Patnasip wantaim Vodafone em i save givim namba wan sevis

long mekim bisnis wok na ol narapela kastoma sevis," Ramamurthy i tok.

Em i tok moa olsem, "Nau mipela i skruim projek bilong kisim 3G+ konektiviti i go long ol narapela senta we ol i no kisim yet.

"Mipela i save olsem 2015 PG bai nidim planti netwok sevis, na long dispela as, mipela i laikim ol ritel outlet long givim gut sevis long taim bilong gem," Ramamurthy i tok.

Sif Teknikel Opisa, Athula Biyanwila, i tok moa olsem, ol i

save olsem ol pilaia bilong etletik bai nidim vois na data komyunikesen long taim bilong pilai long tok-tok wantaim ol famili na poroman, na long dispela as, ol i baim K8 milien long skruim namba bilong 3G+tawa long olgeta hap bilong pilai na slip.

"Mipela i bin givim pinis 3000 fri SIM kad i go long olgeta pilaia bilong ol narapela kantri bai pilai long en. Taim ol i kam long PNG, mipela bai redim fri kredit long ol i ken ringim na toktok wantaim ol lain bilong ol long ol kantri bilong ol," Sif Maketing Opisa, Parag

Panjwani i tok.

Bmobile-Vodafone i plen long mekim ol kol i go long ol narapela kantri wantaim wankain ret olsem ol i save mekim insait long kantri long mekim laip i gutpela na isi bilong ol etletiks pilaia na ol narapela visita tu.

Gavman bilong PNG i kamap 85 pesent seholda long bmobile-vodafone long Oktoba 2013, tasol em i bin statim wok long 1997. Em i namba wan komyunikesen sistem long PNG.

Gol medal wina bilong PNG long Komonwel gem, DikaToua, i

joinim Vodafone na Vodafone i amamas na i laikim em long win gen long Pasifik Gem tu.

"Dika Toua i stap mausmeri bilong olgeta etletik pilaia bilong PNG husat i laik mekim gut long gutpela bilong dispela kantri," Panjwani i tok.

Panjwani i tok moa olsem, "Sevis bilong mipela i no bilong Pasifik Gem tasol, nogat. Mipela bai putim long dro na ol kastoma husat i yusim Vodafone long taim bilong gem bai go insait long dro, bihain long gem i pinis."



Lida bilong Waigani Yunaitet Sios i givim plen i go long bisop long blesim.

Waigani Yunaitet Sios kamapim 5 yia plen

Nicky Bernard i raitim

WAIGANI Yunaitet Sios long Pot Mosbi i kamapim 5 yia plen bilong ol na ol i bin tokaut long en long las wik Sande.

Dispela plen bilong ol em ol i kolim long (GOING BEYOND THE BORDERS) Go abrusim Boda, we ol bai luk-luk long plenim wanem samting ol bai mekim long long 5-pela yia i kam.

Planti bikmanmeri bilong Yunaitet Sios long Pot Mosbi bin go long dispela bung.

Bisop bilong ol tu i bin go stap long dispela de.

Dispela misin plen bilong ol 2015 i go long 2020 bai traim long bungim olgeta Waigani sabab Yunaitet Sios long wok bung wantaim.

Waigani Yunaitet Sios i bin stat long 1970 na dispela yia bai klostu 45 krismas bilong ol.

Dispela nupela misin plen bilong ol bai kisim ol "Go Beyond the Border."

O'Neill opim bilien kina developmen bilong Pasifik Gems

Stanley Nondol i raitim

PRAIM Minista Peter O'Neill i bin opim ol spot fasiliti bilong Pasifik Gems long Mosbi las wiken i kam inap long dispela wik. Dispela XV Pasifik Gems bai stat long Sarere 4 Julai.

Long las wiken, Prait Minista i bin em i opim Taurama Akuatik senta na long wik antap em i opim dispela K80 milien Sir John Guise Stadim na long Mande nait em opim Jackson Intenesenel ples balus teminel apgrad.

Na long asde Trinde, apinun em i opim Rita Flynn Kot long moning na nait em opim nupela Siti Hol, Haus bilong Nesenel Kepitol Distrik Komisnin (NCDC).

Gavman i yusim moa long K1 bilien mani bilong ol pipel long olgeta developmen long nem bilong Pasifik Gems long Pot Mosbi. Na Prait Minista opim ol dispela ples bilong pilai long taim sampela opisal bilong narapela kantri i kam pinis long stretim ples bilong tim bilong ol.

Planti ol opisal i kam pinis na sampela hap olsem soka fil long Kone, Sir Hubert Murray Stadium na sampela wok long Sir John Guies stadium i wok long kamap yet. Na dispela i kamap long ai bilong ol visita husat i kam pas long stretim ples long ol tim long wan wan kantri bilong ol.

Long Mande dispela wik, Prait Minista Peter O'Neill i i opim K180 milien ekstensen bilong Jackson ples balus.

ANZ Benk na Salcon Konstraksen i skruim spes insait long Jackson ples balus long intenesenel teminel. Nau em i gat bikipela spes long planti tausen pasindia i ken stap insait na i ken yusim planti ol sevis insait long teminel.

Prait Minista Peter O'Neill i tok tenkyu long ANZ benk na Salcon Konstraksen long stretim ples balus insait long 20 mun aninit long Pablik Praivet Patnasip program.

Dispela hap i gat planti ol sevis olsem ba, foren eksenis, ol duti fri stua, haus kaikai na ol arapela sevis long ol pasindia bai yusim taim ol i wetim balus.

Prait Minista Peter O'Neill, Sif Eksektiv Opisa bilong PNG Air Servis Joseph Tupiri wantaim ol gavman minista i go opim, na ol arapela delgesien tu i bin go lukim.

Planti wok painim i no karim kaikai

Stanley Nondol i raitim

PLANTI wok painim we gavman i yusim pablik mani long kamautim korap opisa i no karim kaikai na planti ol lain husat wok painim i kamap long en ol stap yet long pablik opis, bosim mani, risos na mekim disisen yet.

Dispela em wanepela wari bilong Trensperensi Intanesenel PNG (TIPNG) long dispela taim we wanpela ripot bilong SBS TV long wanpela progrem bilong en i tok tupela biknem loya long PNG i givim edvais long wanpela Australia man long rot bilong kisim mani long PNG go aut long Australia na tu long narapela kantri.

Siamen bilong TIPNG Lawrence Stephens long wanpela midia rilis bilong em i tok pasin korapsen long bikipela level i wok long bagrapim laip na bihain taim bilong ol pipel

bilong PNG.

Mista Stephens i tok, "Mipela i save pinis olsem stil pasin i kamap long bagrapim ol pipel bilong yumi. Ol pipel i kisim bagrap taim ol arapela i yusim ligel sistem long sevim ol yet na srukim wel na kago bilong ol".

Em i tok planti yia go pinis, planti investigesen i bin kamap long putim pasin korapsen i kamap ples klia tasol planti bilong ol, komisnin ov inkwairi i wok painim i no karim kaikai.

Sampela bilong ol wok painim ripot we Mista Stephen i kolim nem em Cairns Kontrovesi, NPF Inkwairi, Gan Samit, Fainens Inkwairi, SABL Inkwairi na Fores Inkwairi.

Em i tok planti bilong ol dispela ol inkwairi ripot i no karim kaikai na ol lain wok painim auim nem bilong ol long ripot i stap yet long pablik opis.

Mista Stephen i tok

bikipela milien kina i lus em i wankain long planti laip i lus na bihain bilong PNG i go long han bilong stilman.

Em i singaut long o Polis, Obusmen, Pablik Prosekuta, Odita Jenerel, Benk ov PNG, na ol arapela ofisal husat i sainim tok promis long wok aninit long lo bilong kantri long daunim korapsen i mas wok strong long mekim sampela samting long ol ripot nogut i kam aut long bikipela milien bilong kantri i wok long lus.

Long wankain taim Oposisen lida, Don Polye i singaut long Prait Minista Peter O'Neill long kamapim wanpela indepeden Royal Komisnin ov Inkwairi i mas kamap long SBS ripot.

Mista Polye i singaut tu long PNG Lo Sosaiti long mekim wok painim long SBS ripot na ol intanesenel institusen long luk-luk long ripot na helpim long mekim wok painim."

Gavman makim K20, 000 gol medal, K10, 000 silva na K5000 brons

I kam long pes 1...

Long wankain taim tu, Pasifik Gems Rilei tua menesa, Tamzin Wardley i givim Baton long Mista Kassman na i tok, dispela Baton em i lewa bilong Tim PNG na nau yu yet i kisim bek strong bilong yu.

"Em i kisim 96 de long karim dispela Baton raun long olgeta hap bilong PNG, na husat lain i lukim na tasim dispela Baton i stap bilong Tim PNG wantaim Hat, na i laikim Tim PNG long win," Wardley i tok.

"Planti manmeri bai no inap stap long lukim yupela bai pilai, tasol dispela Baton i gat olgeta strong, sapot na pawa we ol i givim long en i stap insait, na nau yupela i kisim bek."

Meri Pawa-lifting sempien, Linda Pulsen, bai karim plak bilong Tim PNG long taim bilong opim Pasifik Gems long Sarere.

Pulsen i tok, "Mi save sanap paslain long nem bilong PNG bipo long ol planti samting i save kamap na nau mi amamas long karim plak long nem bilong Tim PNG."



Tupela susa, boksa na ragbi yunien bai tek pat long 2015 Olimpik gems neks wik. Foto Nicky Bernard

Ol etlit bai go fri long Nature Park

NATURE Park long Pot Mosbi bai larim ol etlit na ol opisa long go fri long Nature Park long Julai 2 inap 22 olsem wanpela Opisel Turism Patna bilong 2015 Pasifik Gems.

Ol narapela Gems visita olsem ol midia, teknikel opisa na ol bikipela ges bai go insait long hap prais o diskaun prais.

Ol sevis bai olsem ol fri bas long Gems Viles i go long Nature Park na PNG Turism Promosen Atoriti (PNG TPA) Kraf Maket we bai i stap long bikipela piknik hap bilong Nature Park. Ol i wanpela bilong ol entetenmen hap bilong ol etlit long Pot Mosbi.

Jenerel Menesa bilong Nature Park long Pot Mosbi, Michelle McGeorge i tok, "Wanpela hap bilong kamapim gutpela pilai em long luksave olsem ol etlit na ol visita i gat gutpela eksperiens, na taim ol i no pilai bai ol i gat spesel taim."

Mis McGeorge i tok wanpela gutpela samting em olsem Nature Park i stap klostu long Yunivesiti na Gems Viles long wanem em i gutpela long soim ol enimal, ol diwai na plawa bilong PNG na ol kain kain kalsa long ol narapela kantri.

Ol 2015 Pasifik Gems Komiti na PNG TPA i bin wok wantaim Nature Park long luksave olsem ol i bungim nid bilong ol etlit.

Long wankain taim, Dairekta Polisi na Plening long PNG TPA, Alcinda Trawen i tok, "Dispela 2015 Pasifik Gems bai i kamapim gutpela hap bilong promotim na mekim awenes long PNG olsem wanpela hap bilong ol turis, na tu soim ol gutpela samting bilong mipela long ol Pasifik Ailan."

PNG TPA kraf maket bai op long Nature Park olgeta de long 9 klok long moning inap 3 klok long apinun long Julai 2 inap 22. Dispela kraft maket bai givim sans long ol etlit long baim ol samting bai ol i tingim na ol presen taim ol i stap long hia.

Nature Park bai op long ol pablik long taim bilong pilai long 8 klok long moning inap 4.30 long apinun na ol i givim 20 pesen dikaun long ol venu haia promosen long ol lokal na ol bisnis husat i laik mekim pati long dispela mun.



Ol wokman na meri long Nature Park i holim Baton.



Ox & Palm promosen:

Ox & Palm promosen i kamap long Stop 'n' Shop Gerehu las wik na Manus Garamut na Bogenvil grup i go mekim bikipela pairap long hap. Long daunbilo poto, tupela bubu, Carol Jada na liklik Haylee Henry Jada i laik go mekim soping long hap na kam bam wantaim ol singsing grup na sindaun lukluk i stap. *Poto: Jada Wilson*



GAME ON!

"I am always in the fast lane with **BSP's Mobile Banking** I can use it anywhere on the run!"

Toea Wisil, PNG Sprint Champion and BSP Brand Ambassador

- Top Up Mobile Phone Credit** and keep in touch during the Games.
- Send Money via Wantok Moni** to wantoks even if they don't have a bank account.
- Transfer Funds** to family and friends anytime even while supporting PNG.
- Buy EasiPay** to Top Up electricity units and tune in to watch the Games.

mobile banking

Anytime, Anywhere!

Be smart and fast, like Toea. **REGISTER NOW** for Mobile Banking!

320 1212 / 7030 1212 - 24/7
 servicebsp@bsp.com.pg
 www.bsp.com.pg

BSP
 Official Sponsor of the 2015 Pacific Games

Link PNG strongim bisnis long kantri

“BIKPELA SAMTING long kamapim Link PNG (LPNG) em long mekim LPNG isi long olgeta pipel, seif na gutpela sevis long ol pipel long bus ples bilong kantri we i no gat planti kastoma olsem ol domestik rot bilong flai. Tasol em i impoten bilong ol pablik long flai,” Bod Siaman bilong LPNG Limited, Sir Frederick Reiher i tok.

Em i mekim dispela toktok long

taim LPNG Limited i tokaut long ol wok bilong en long las yia. Ol i tokaut long kamap smat na karim ol samting long liklik mani i go long ol provins na distrik. LPNG em i wanpela bisnis bilong Air Niugini.

LPNG i soim dispela toktok sampela mun i go pinis taim ol i givim sevis long Losuia Airport long Trobrien Ailan long Mas 30 long dispela yia. Moa long dispela, LPNG Limited i kamapim koneksen flait

long Kiunga i go long Hagen, go long Lae na i go long ol Niugini Ailan olsem Rabaul na Hoskins.

Long pinisim dispela raun insait long kantri, LPNG Limited i statim ol flait namel long Tabubil na Hagen long Tunde na Fonde.

LPNG Limited bai i flai i go insait long Telefomin, Jacquinot Be, na Kandrien long namba wan yia bilong en. Dispela lista i no inap stop long hap. Taim LPNG Limited i stat,

planti ol lokal gavman na ol lokal bisnis i tok save long kirapim sevis bilong balus long ol komyuniti bilong ol.

Long wankain taim, taim gutpela kos bilong ristraksa implementesen dispela sevis bai i go daun long ol kastoma. Ol sevis i klia, long wanem pastaim prais straksa wanpela kastoma save baim K1056 long Pot Mosbi go long Tabubil tasol nau bai yu baim K835.

Dispela bai i gat sevis olsem K51. Long sevim bikpela mani mak olsem K201 bai long Pot Mosbi i go long Losuia.

Ol takis na levi bai wankain tasol long wanem ol i no gat kontrol long dispela.

Jenerel Menesa bilong LPNG Limited, Daniel Wanma i tok, “Bisnis bilong mipela em long bungim PNG long liklik mani.”

USNS Mercy i painim 6-pela pipel lus long solwara

HAUS SIK sip USNS Mercy i salim wanpela helikopta i go aut long kisim 6-pela sik pipel wantaim wanpela 18 mun bebi long Han Ailan, wanpela liklik ples long Cataret Ailan long Atonomos Rijen bilong Bogenvil (AROB) long Tunde.

Mercy i kisim 6-pela pipel na ol i givim marasin na was long ol.

“Olgeta pipel husat i bin lus i stap gut nau,” Komanding Opisa bilong Militeri Tritmen fesiliti USNS Mercy, Kepten Melanie Merrick i tok.

Deputi Sif Seketeri bilong AROB i kontekim US embasi long Pot Mosbi long askim long helpim na karim ol pipel husat i bin stap laip taim wanpela liklik bot i bin lus long las wik Sarere.

Misen Komanda bilong Pasifik Patnasip 2015, Kepten Chris Engdahl, i salim ol maritaim operesen senta bilong em i go long Mercy long salim ol helikopta bilong en long go kisim ol pipel i kisim bagarap i go long kisim helpim hariap.

Ol pipel i bin kisim bagarap i swim i go long nambis taim ol i lus long Jun 27. Long wankain taim, Mercy i kisim tok save long Sif Seketeri bilong Atonomos Bogenvil Gavman (ABG) long US Embasi long Pot Mosbi.

ABG i givim ripot olsem wanpela liklik bot i lus long solwara wantaim



Wanpela wokman bilong Mercy i karim bebi we mama bilong em i swim wantaim go long sua.

sampela pipel wantaim wanpela bebi. Dispela bot i lusim Buka long go long Cataret Ailan.

Mercy i harim dispela na salim tupela helikopta bilong en go aut long painim ol na kisim ol tasol ol i no lukim dispela bot o wanpela bilong ol pipel i lus.

Ol 6-pela pipel i swim go autsait

long nambis, wantaim wanpela mama na bebi bilong em tasol ol narapela ol i no painim ol yet. Papua Niugini Nesenel Maritaim Sefti Atoriti i mekim wok painim yet.

Mercy i stap long PNG long namba tu misen pot bilong Pasifik Patnasip 2015.

Ol pipel i gat disabiliti sapatim MARSH Projek

Esther Bralyn Wani i raitim

PAPUA Niugini Asembli bilong ol Disebel Pesen (PNG ADP) wantaim ol US AID i holim tupela de woksop long toktok long ol rot bilong yusim ol disebel pipel long helpim long developmen olsem long planim mangro na banisim hevi bilong klaimet senis.

Mangro Riabilitesen bilong Sasenebel Menes, Helti Fores (MARSH) Projek i gat olsem 5-pela yia plen tasol dispela projek bai pinis long Septemba long dispela yia insait long tripela yia tasol na em i kamap long 5-pela provins long Papua Niugini.

Wanpela bilong ol pipel i gat hevi long lek, i tok em i save pilim nogut stret taim em i save harim dispela nem ‘disebel’.

Em i tok ‘lek nogut’ em orait bikos dispela em i bin stap long taim long kalsa bilong yumi. Em i tok ol i gat olgeta hap bilong bodi i stap tasol wanpela tasol i no stap we ol i ken mekim ol samting olsem narapela man i gat olgeta hap bilong bodi.

Ol disebel pipel i wankain olsem ol



Ol disebel man long dispela tupela de woksop long Pot Mosbi.

pipel wantaim olgeta hap bilong bodi. Bikpela driman bilong ol em long stap insait long ol developmen na helpim long bildim kantri.

Wanpela olupela polisman, Ben, bilong Is Nu Briten provins i bin kamap aipas taim em i go pait long Bo-

genvil.

Em i tok dispela i bin mekim em pilim olsem em bai no gat wok na laip bai i hat tasol bihain ol pipel i sapatim em na em i stap orait. Dispela i mekim em i wok gen olsem aipas polis man.

Katolik Helt sevis opim nupela helt klinik long NCD

ST. Paul’s Klinik long Gerehu, Nesenel Kepital Distrik i bin op long dispela wik Mande long mekim wok bilong helpim ol lain i save kisim sik long HIV.

Katolik Helt sevis em i wanpela bikpela wok poroman bilong Helt Dipatmen long mekim wok bilong Helt na HIV insait long kantri. Ol sevis bilong ol i save go inap long 20 provins insait long 65 ples long ol setelmen, rurel viles na ol hap taun.

Deputi Hai Komisina bilong Australia long PNG, Bronte Moules husat i bin opim dispela haus sik, na em i amamas long wok bilong Katolik Sios long Helt na HIV/AIDS. Em i mekim luksave long ol program i karamapim helt bilong ol meri, pikinini, ol sik i save kalap i go i kam wantaim ol liklik binatang, kaunseling, stopim na strongim wok wantaim komyuniti.

“Taim mipela i opim dispela klinik, em i soim strongpela tingting bilong gavman bilong Australia na PNG long putim mani go insait long kamapim gut helt bilong ol pipel bilong PNG,” Mis Moules i tok.

Dispela klinik em i kamap wantaim K1.5 milien i kam long Australia na PNG Gavman

mani. Em i gutpela invesmen,” Mis Moules i tok.

Ol toktok bilong kamapim dispela klinik i bin stat long yia 2011 wantaim tingting bilong klinik bai stap bilong wokim HIV tes. Tasol bihain em i go bikpela na i karamapim planti moa narapela helt sevis wantaim.

Dispela helt klinik em i wanpela riferel senta bilong Sen John Haus Sik, Gerehu long kisim ol sik lain husat i go wantaim HIV, Tuberkulosis na ol STI o sik i save kamap long pasin bilong slip wantaim ol man o meri i gat narapela sik.

“Australia Gavman i amamas long wok poroman wantaim Katolik Helt Sevis, Gavman bilong PNG na NCD helt long dispela projek, we bai mekim bikpela senis long laip bilong ol pipel insait long dispela komyuniti.” Moules i tok.

Long dispela taim ol lain i bin kamap long opim bilong klinik em; Asbisop John Ribat bilong Pot Mosbi Katolik Sios Daiosis, Minista bilong Helt, HIV/AIDS na Memba bilong Pot Mosbi Notwes, Michael Malabag, Gavana bilong NCD, Powes Parkop na Dokta Gary Ou’U NCD Helt Edvaisa.



AsBisop bilong Pot Mosbi, John Ribat (lephan), Australian Hai Komisina Kaunseli bilong Helt na HIV/AIDS, Mis. Christine Sturrock (namba tu long lephan), Australian Deputi Hai Komisina long PNG, Bronte Moules na NCD Provinsal Helt Edvaisa, Dokta Gary O’Uu i lukluk raun long klinik.

OPEN HEART NOW OPEN AT PIH

In less than one month after beginning full operations at the new PIH on 3-Mile hill Port Moresby, the Pacific International Hospital has more than lived-up to its tagline of "delivering advance healthcare." This June 2015 three open heart coronary bypass surgeries, all firsts for PNG, were successfully operated.

On 19 June, the first-ever coronary artery bypass graft (CABG) in PNG was done by the team led by Dr. OP Sharma, PIH Medical Director and Chief Cardio-Thoracic Vascular Surgeon, giving a new lease on life to patient Nathan Milo of Wabag, Enga, who had a full, 100%, blockage in one of the arteries of his heart. By getting a graft, or portion of an artery in the leg of Nathan, Dr. Sharma then used that to establish a new channel (hence why it is called "bypass") through which the blood could flow in Nathan's heart, instead of going through the blocked one.

In Nathan's case, he was not experiencing any symptoms. His condition only came to light by the results of a regular health check he went through. As Dr. Sharma explained during the press conference held on 25 June when Nathan Milo was discharged (just 6 days after the operation, which is very impressive rate of recovery), the condition of Nathan was often referred to as a "widow maker," as it was likely if untreated Nathan might possibly just pass away during his sleep, one of those cases of people who just did not wake up after sleeping. "It is like sleeping with a king cobra on your chest," Sharma added.

Dr. Amyna Sultan, CEO of PIH, added the example that diabetics often do not experienced the chest pain symptoms that lead people to conclude they might have cardiac problems, and so it was important to have screenings and tests.

Dr. Sharma noted that, with Dr.



Dr. OP Sharma and Joel Sarmenta of PIH posing with patient Emmanuel Favila just over 24 hours after his open heart operation ended, with some of the Pacific Games tickets Emmanuel intends to use after he is discharged from PIH. Photo taken yesterday at 3.00pm

Mathias Sapuri witnessing it, that when the blocked artery of Nathan was opened, there was not a single drop of blood in it!

After this achievement of the first-ever coronary artery bypass, Dr Sharma and his team achieved the first-ever coronary artery bypass with a beating heart. In Nathan's case, his heart was stopped and the blood circulation was taken over by a sophisticated heart-lung machine. In the next case on 23 June, Jerry Lapiu from Madang, no heart lung machine was used, and Jerry's heart was still functioning while the operation was being done, thus this is called the "beating heart bypass surgery." An important key to this is the function of the cardiac anaesthetist, Dr. Vandana Sharma, in ensuring that the proper timings and pacing happens. The care given by the Cardiac ICU team, under the leadership of Dr. Vandana Sharma, chief cardiac anaesthetist and cardiac intensivist, was so good Jerry was able to receive some visitors from the media 24 hours after his operation!

By June 29, the third coronary ar-

tery bypass was done on Emmanuel Favila, and again done through the "beating heart" method. Within 3 hours after the operation, Emmanuel was giving this writer a thumbs-up to say he was all fine.

On live radio programs, Dr. Sharma emphasized that the de-

gree of sophistication of doing a "beating heart" CABG is such that in the USA, only 20% of health facilities that have cardiac surgery list this as a service that they offer. As far as he knows, Sharma has not heard of this being done in Australia even.

Over live radio on FM-100, Dr. Sharma asked Jerry Lapiu how he the patient would rate the PIH services, and Jerry replied, "I would give it as 10 out of 10, or a 100% , or 120% , or even 200%... PIH is second to none... it is the only one here, and starting from the doctors, the assisting doctors, they are A-1, the facilities, the people, they are A-1"

Jerry even emphasized that "you do not need your family members to come to care for you," as everything is already provided for in PIH, all they have to do is come to visit.

A few days earlier, Nathan Milo qualified before the dozen or so press people that "...after 5 days I am well, I don't feel anything, I don't feel pain...*This can be done in PNG!* ... Most of our people are suffering, trying to find funds to go overseas..." And that is from the

man who actually volunteered and insisted to be the first patient to be scheduled for this pioneering CABG.

Nathan Milo also called on the PNG government to try to explore ways by which it might be possible to subsidize the open heart operations at PIH, especially for the "small people, the ordinary citizens in the rural areas" who might have been diagnosed with cardiac problems.

And if these laurels were not enough, on June 27, the cardiology department did another first in PNG: with Dr. Richard Chan successfully emplacing six stents in a heart through the non-invasive method of Angioplasty.

As we go submit this article, Emmanuel Favila is all up and talking, just a little over 24 hours after the operation, and he has happily invited us to go watch the Pacific Games with him, as this very positive person actually bought a lot of tickets to the Pacific Games, so confident was he about going to be all good and well before the Pacific Games! Now that's a medal winner!



Photos: Jerry Lapiu of Madang less than 24 hours after his operation, Dr. OP Sharma and his team, Nathan Milo of Enga with PIH top brass and cardio team.



Now in PNG..the country's first Retina Surgeon

3-Mile Specialty Clinics, 3-Mile Hill, Taurama Road, Port Moresby

Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal injection for Diabetes

Tel. 311-3000
email: pihopd@gmail.com
text to 7155-8866

O'Neill opim bilien kina developmen bilong Pasifik Gems

Stanley Nondol i raitim

PRAIM Minista Peter O'Neill i bin opim ol spot fasiliti bilong Pasifik Gems long Mosbi las wiken i kam inap long dispela wik. Dispela XV Pasifik Gems bai stat long Sarere 4 Julai.

Long las wiken, Praim Minista i bin em i opim Taurama Akuatik senta na long wik antap em i opim dispela K80 milien Sir John Guise Stadium na long Mande nait em opim Jackson Intenesenel ples balus teminel apgred.

Na long asde Trinde, apinun em i opim Rita Flynn Kot long moning na nait em opim nupela Siti Hol, Haus bilong Nesenel Kepitol Distrik Komisnin (NCDC).

Gavman i yusim moa long K1 bilien mani bilong ol pipel long olgeta developmen long nem bi-

long Pasifik Gems long Pot Mosbi. Na Praim Minista opim ol dispela ples bilong pilai long taim sampela opisal bilong narapela kantri i kam pinis long stretim ples bilong tim bilong ol.

Plantil ol opisal i kam pinis na sampela hap olsem soka fil long Kone, Sir Hubert Murray Stadium na sampela wok long Sir John Guies stadium i wok long kamap yet. Na dispela i kamap long ai bilong ol visita husat i kam pas long stretim ples long ol tim long wan wan kantri bilong ol.

Long Mande dispela wik, Praim Minista Peter O'Neill i i opim K180 milien ekstensen bilong Jackson ples balus.

ANZ Benk na Salcon Konstraksen i skruim spes insait long Jackson ples balus long intene-

senel teminel. Nau em i gat bikpela spes long planti tausen pasindia i ken stap insait na i ken yusim planti ol sevis insait long teminel.

Praim Minista Peter O'Neill i tok tenkyu long ANZ benk na Salcon Konstraksen long stretim ples balus insait long 20 mun aninit long Pablik Praivet Patnasip program.

Dispela hap i gat planti ol sevis olsem ba, foren eksenis, ol duti fri stua, haus kaikai na ol arapela sevis long ol pasindia bai yusim taim ol i wetim balus.

Praim Minista Peter O'Neill, Sif Eksektiv Opisa bilong PNG Air Servis Joseph Tupiri wantaim ol gavman minista i go opim, na ol arapela delgesien tu i bin go lukim.



Praim Minista Peter O'Neill i opim intenesenel teminel apgred.

Nupela wei bilong rausim pipia long NCD i kamap pinis

Frieda Sila Kana i raitim

NESENEL Kepital Distrik Komisen i go pas tru nau long yusim nupela kain teknoloji na wei bilong rausim na haitim pipia long bikpela ples bilong tromoi pipia long siti, Baruni Damp.

Las yia long mun Epril, Nesenel Kepital Distrik Komisen i bin sainim kontrak wantaim Kana Konstraksen, wanpela lokal bisnis bilong PNG yet long mekim wok bilong kamapim nupela siti wes menesmen sistem o rabis damp long Baruni.

Nau long Mande 29, Gavana Powes Parkop wantaim Embeseda bilong Japan, Mista Matsumoto i amamas long opim dispela nupela kain wei bilong rausim ol bikpela pipia bilong siti wantaim wanpela teknoloji bilong Japan ol i kolim Fukuoka teknoloji.

Bikpela samting long dispela Wes Menesmen sistem bilong NCDC em wanpela lokol sivel en-sisinia, James Ricky, yet i disainim na lokol kampani yet Kana Konstraksen i wokim. Olsem na dispela kain save na sistem bai stap longpela taim bikos ol saveman bilong wokim em i stap long PNG yet.

Dispela sistem bilong rausim pipia em ol i kolim len fil o pulimapim graun we Kana Konstraksen kampani i brukim graun long ples bilong pipia long Baruni na ol i planim ol pipia i go daun na bihain karamapim wantaim hap graun. Ol ensinia i planim ol bikpela paip bilong karim wara bilong ol pipia i go daun long wanpela bikpela pon o raun wara ol i wokim wantaim simen aninit long en, na long em bai salim ol gutpela ges i go bek. Dispela wara ol i kolim Leachate bai stap insait long raun wara na aninit i gat simen na wanpela HDPE membren long stopim leachate long go insait long graun. Ol paipa i stap aninit long ol bikpela ston em ol i gat hul bilong oksijen win i go aut.



L-R James Ricky, Ensinia bilong NCDC, Mista Matsumoto, Embeseda bilong Japan, Gavana Powes Parkop, Jeneral Menesa bilong Kana Konstraksen na Kantri Sif Rep bilong JICA long PNG, Shigeru Sugiyama sanap long fran bilong Sel 1 bilong Nupela Wes Menesmen sistem – long Baruni Damp, Nesenel Kepital Distrik.

Mista James Ricky i tok nau yet long Baruni em dispela ges nogut i kamaut long ol pipia inap long 20-30 yia em i stap aninit long graun tasol nau em NCDC i laikim mekim gut long lukautim dispela kain poisin samting bai no ken moa stap nabaut.

Nau long Baruni ol pipel i no moa kukim pipia na i no gat man i painim olupela samting long ol hip pipia. NCDC i givim wok tu long ol lain husat i save stap long hap bipo olsem na nau i no gat ol lang na i no gat smel olsem bipo.

Gavana Powes Parkop i tok long taim bilong opim nupela wes menesmen olsem wantaim ol nupela developmen long siti we wanpela 4 lein rot bai go long en na Baruni bai stap namel stret long ol dispela rot na developmen.

“Baruni bai i no moa stap long arere bilong siti. Em bai stap namel long ol siti developmen bikos PNG Pots tu bai surukim bikpela bris i go long Motukea.

“NCD i go pas na ol narapela provins i ken bihainim long bihain.”

Mista Parkop i tok.

Man i makim JICA, Shigeru Sugiyama i tok i tok ol i laikim mekim dispela i kamap wanpela namba wan wes menesmen sistem long Pasifik. Em i tok amamas i go long NCDC na Gavana Parkop. Em i tok NCDC na JICA i wok bung aninit long wanpela program bilong JICA long Pasifik Rjion ol i kolim long Japanese Promosenal Rijonal Inisetiv long Solid West Menesmen, (JPRISM),

“Dispela em i hap bilong kamap gutpela samting gen,” em i tok.

Gavana Parkop i tok, stat wantaim 2015 Pasifik Gems na i go Pot Mosbi siti bai lukim planti bikpela wol kibung i kamap, olsem na i no gutpela sampas ol pipia bilong siti i stap nabaut na smel. Em i amamas tru long dispela wok we ol kontrakta, Kana Konstraksen na ol lain teknikel tim bilong NCDC aninit long lidasip bilong Joshua Sam na long tok stia na was bilong ol JICA ol i bin kamapim dispela bikpela samting.



Leachate pond we pipia wara bai go insait na stap. Em bai gat wanpela karamap bilong en bihain. Ol foto: Nicky Bernard

NCDC bai i givim ol bas long Gems hap

NESENEL Kapitel Distrik
Komisin bai givim bas sevis long
ol pipel long siti long taim bilong
XV Pasifik Gems.

Kodineta bilong NCDC Pasifik
Gems Seketeriet, Frank Aku i tok
dispela sevis bilong karim ol pipel i
go long hap bilong Gems bai larim
planti pipel long siti long lukim ol
pilai.

Mista Aku i tok dispela ParknRide
program i kamap long kontrolim
planti pipel na kar long tupela wik
bai stat long 4 Julai.

"Bikpela tingting bilong Parkn-
Ride bai kontrolim trefik na abrusim
trefik long pulap long olgeta hap bi-
long pilai na long Gems Viles tu,"
em i tok.

Ol i makim 4-pela hap bilong ol
kar long pak long dispela program,
Jack Pidik Pak, SP Pak sait long
Boroko Foodworld long Godons na
tupela hap bilong pakim kar long
PNG Difens Fos Mari Bareks.

Mista Aku i tok ol papa bilong ol
kar i ken putim kar bilong ol long ol
dispela 4-pela hap na kalap long ol
bas bilong NCDC bai karim ol pipel
i go long hap bilong pilai we ol famili
i laik lukim.

"Bikpela tingting bilong mipela
long lukim ol pipel i save stap long
siti na bai ol i noken wari long trefik
bai pulap na hap bilong putim kar.

"Mipela i askim ol pipel husat i
gat kar long yusim dispela Parkn-
Ride arensmen na draiv i go long
hap bilong ParknRide klostu long
hap bilong pilai bai ol bas i kisim yu-
pela go long hap bilong pilai," Mista
Aku i tok.

Mista Aku i tok papa bilong kar
husat i no bihainim dispela program
na laik putim kar long Gems Viles
bai polis i soim ol long hap bilong
lusim kar.

Ol bas bai i gat program olsem
10 inap 15 minit long lusim hap bi-
long putim kar i go long hap bilong
pilai.

Em i askim ol pipel long siti long
yusim dispela ParknRide program
bilong kamapim gutpela ran bilong
trefik na no ken wari long ol hevi bi-
long sekyuriti.

"Mipela bai putim banis, ol mak
bilong lain, ol sekyuriti lait na ol
sekyuriti wantaim polis long 4-pela
hap bilong lusim kar long sefti bi-
long ol pipel na kar bilong ol," Mista
Aku i tok.

Long wankain taim, ol bas bai
stat wok long 9 klok long moning
inap 9 klok long nait long olgeta de.

Em i tok moa olsem bai i gat hap
bilong ol pipel long salim ol kaikai
na ol samting ol i wokim long han
olsem at na kraf long Jack Pidik
Pak. Husat i laik maket i ken go
lukim ol pipel long Helt divisen opis
long Lagatoi Haus.



Em hap bilong putim kar long SP Brewery we ol kar bai stap long hap na pipel i ken kalap long bas bilong NCDC.



Papua Niugini NESENEL AIDENTITI PROJEK



Gutpela bilong yu gat Nesenel ID Kat bilong yu yet



**Edukesen/
Skul**

▶ Em isi long putim nem bilong pikinini bilong
yu long skul.

▶ Yu inap kisim helpim bilong gavman long
baim skul fi.

**"Yu mas Rejista nau
na stap insait"**

Depatman bilong Nesenal Plening
i go pas long dispela



MV YWAM PNG pinisim namba wan ran bilong em long PNG

YWAM Medikol Sip bilong Australia, MV YWAM PNG, i pinisim namba wan ran bilong em long Sauten Rijon long Westen, Galp, Sentral, Milen Be na Oro Provins wantaim Morobe na em i go bek gen long asples basis bilong en long Townsville long dispela wik.

Insait long 9-pela wik long PNG, MV YWAM PNG helpim ol pipel long praimer heli kea, dentis sekim na stretim ol tit, sekim na stretim ol ai, na long strongim ol pipel. Ol i lukim 12,012 siklain insait long 81 viles olgeta.

Ol i givim heltkea na trening wantaim helpim bilong 196 volandia helt trena i kam long 15 kantri we 49 bilong ol em bilong Papua Niugini stret.

Long mun Epril, Praim Minista Peter O'Neill i givim wok long MV YWAM PNG bihain long ol bikipela fan resing long baim dispela sip.

YWAM MSA Menesing Dairekta, Ken Mulligan i tok namba wan ran bilong MV YWAM PNG em i wanpela kain taim we bai em i no inap lusim tingting long en.

"Planti pipel i bin bilip wantaim mipela long kisim wanpela kain sip we bai ken go long ol ples i stap longwe tru long taun.

"Mipela i luksave olsem dispela kain tingting na bilip i go longwe tru



YWAM sip long Huon Galp Morobe.

long taim mipela i raun i go long ol hap bilong Sauten Rijon bilong kantri na long Huon Galp long Morobe na mipela i harim ol stori bilong ol lidaman bilong ples, ol helt wokman na meri na ol gavman opisa husat i driman wantaim mipela. Ol pipel i selebretim nupela taim bilong MV YWAM PNG long kam long PNG wantaim olgeta bel bilong ol long olgeta wan wan provins mipela i go long en, na dispela i kamapim gutpela stat bi-

long ol yia i kam bihain," Mista Mulligan i tok.

Wanpela bilong ol samting we Hannah Peart, Fil Operesen Menesa i tingim klia tru em long taim ol tim i givim marasin long Alfred husat i gat 29 krismas na em i bin kisim sik leprosi inap moa long 20 yia.

"Alfred i bin gat wanpela bikipela sik leprosi stret mipela i no bin lukim bipo, em i bagarapim olgeta rop long bodi bilong em na olgeta pinga bilong em na ol pinga bilong lep na rait lek bilong em i lus pinis.

"Morobe Provinsal Disis Kontrol Opisa i bin stap long tim bilong mipela long dispela de taim mipela i go bungim Alfred, na em i sekim Alfred na em i luksave olsem Alfred i gat leprosi na em i singaut long ol i karim ol marasin bilong em i kam.

"Alfred i no bin save wanem samting i kamap long em, em i tok em i sik bilong em tasol.

"Mipela i helpim em wantaim gutpela tingting olsem maski hap bodi bilong em i go pinis, wantaim marasin, dispela sik bai pinis na em bai orait.

"Mipela bai yusim stori bilong Alfred olsem piksa bilong trening bilong mipela long ol helt wokman na meri bilong Morobe Provins," Mis Peart i tok.

Taim em i go bek long Townsville, MV YWAM PNG bai kisim sampela moa senis long ol bai putim wanpela operesen tieta i go insait, nupela dentis klinik na sampela moa liklik bot bilong wokim ol helt patrol na dispela bai mekim wok bilong YWAM MSA heltkea na trening kepesiti go bikipela moa.



What it means to be Papua New Guinean

"Our home is one of the most unique countries on earth.

We all have a part to play to make PNG the greatest country on earth."

Let us embrace our shared values as we build the nation we want - together!

© David Kirkland



"PNG... EM MI YAH!"

National Strategy for Responsible Sustainable Development

www.PNGStaRS.org • Department of National Planning and Monitoring

Nes Anne Pakoa winim US Strongpela meri Awot

GRASRUT meri lida long wok bilong heltkea long Port Villa, Vanuatu, Anne L. Pakoa i kamap wina bilong Yunaitet Stets Strongpela Meri Awot aninit long U.S. Dipatmen bilong Stet Seketeri Intenesenel Strongpela Meri Awot long 2015.

U.S. Embeseda bilong PNG, Solomon Ailan na Vanuatu, Walter North i bin givim dispela Awot long Mis Pakoa long luksave long gutpela wok bilong helpim ol meri long kamapim wok bilong edukesen na profesen bilong ol.

Embeseda North i tok, "Anne i soim strongpela pasin. Em i save toktok strong olgeta taim long rait bilong ol meri, long ol salens long laip bilong ol olgeta de. Mipela luksave long Mis Pako tude, long strongpela tingting bilong em long helpim ol meri na em i no bilong em yet tasol bilong olgeta meri long Vanuatu."

U.S. Peace Corps Dairekta Carrie Hessler-Radelet i bin stap tu long Awot seremoni na em i apim nem bilong Mis Pakoa long lidasip na wok bilong em long helpim ol profesenel nes bilong Vanuatu long kisim moa skul na trening.



Embeseda North i givim 'Strongpela Meri' Awot i go long Mis Anne Pakoa long Vanuatu Kalsa Senta long Jun 23, 2015. Long baksait em Peace Corps Dairekta, Carrie Hessler-Radelet.

U.S. Dipatmen ov Stet Seketeri Intenesenel Strongpela Meri Awot em i save kamap olgeta yia long mekim luksave long ol meri i soim strong long lidasip na i save pait long rait bilong ol meri na ol pipel long olgeta hap bilong wol. Planti taim ol i save painim birua tu.

Mis Pakoa em i pinisim skul long Vanuatu Skul ov Nasing, nau em Vanuatu Koles bilong

Nasing, long yia 1990. Bihain long em i greduet, em i bin wok nes na long 1994 em i kamap tisa bilong ol helt program long Yunivesiti bilong Papua Niugini long Goroka.

Bihain em i go bek long kantri bilong em yet na kamap tisa long Vanuatu Koles bilong Nasing inap planti yia pastaim long em i kisim wanpela edukesen Awot long Australia Ejensi bilong Inte-

nesenel Developmen (AUSAID) long kisim wanpela pos greduet program long Edukesen Edministresen long Melbourne Yunivesiti long 1999.

Bikpela wok Mis Pakoa i mekim em long kirapim Neil Thomas Ministri Kristen Yunivesiti Haus sik we em i kamapim wanpela besik komyuniti helt nasing karikalam, na bihain em i kamap wanpela komyuniti helt skul.

Mis Pakoa i soim gutpela piksa bilong wanpela medikal profesenel wokmeri, wanpela mama na meri bilong wanpela man na sivel sosaiti lida. Maski em i stap long wanpela kantri we ol meri i no gat bikpela luksave na hevi bilong bagarap long han bilong ol man i stap na pasin bilong lukdaun long ol meri olsem namba tu tasol i stap yet.

Mis Pakoa nau i wok yet long sanap na tokaut strong long gutpela luksave na sindaun bilong ol meri tisa.

Ol dispela wok bilong em i putim strong long em i kisim dispela luksave Awot bilong strongpela meri, i kam long U.S. Seketeri bilong Stet Strongpela Meri Awot long 2015.

Ol mama grup kisim sasteinabol trening

James G. Kilai raitim

OL MERI long rurel ples i mas sanap strong long lainim ol nupela skul long sait long lukautim gut mani na sapotim famili, komyuniti na eria bilong ol long distrik.

Olsem na wanem ol trening i kam long eria bilong ol mama i mas kisim gut na yusim long kamapim gutpela sindaun long ples.

Seketeri bilong Zon 2 Wimen grup long Usino LLG wod 17 long Madang provins, Philinda Jeffrey i mekim dispela tok las wik long strongim ol rurel meri long ples.

Misis Jeffrey i tok amamas long ol lain opisa bilong Nationwide Maikro benk long go givim gutpela awenes o toktok long sait long sevim mani na tu long ol wanem kain helpim benk i ken givim long ol rurel pipel.

Misis Jeffrey i tok olgeta ol mama insait long trening em ol mama bilong ples na planti ol nupela samting long sait long sevim



Philinda Jeffrey (namel) i sindaun wantaim opisa bilong Nationwide Microbank long ples Iguruwe.

mani long benk long taun em nupela long ol. Olsem na taim ol i go long Nationwide Microbenk long Iguruwe ples i gutpela tru na i givim gutpela sans long ol mama long harim ol toktok na lukluk moa long sevim moni.

"Mipela amamas tru olsem yupela lain bilong Nationwide Microbank i kam stret long ples

bilong mipela na long haus-dua bilong mipela long mipela i ken harim toktok bilong yupela na tu opim benk akaun long ples stret" Misis Jeffrey i tok.

Ramu NiCo CA agrikalsa seksen supavaisa, Allan Wahwah i tok amamas long ol mama long kisim ol trening na i strongim ol wantaim salens olsem ol i mas

sanap strong na wokim wok na sevim mani na lukim mani bilong ol i gro. Na long bihain gutpela senis i ken kamap long laipstail bilong famili, komyuniti na tu gutpela bihain-taim bilong ol pikinini bilong ol.

Dispela poltri prodaksen na sastenebol laivlihud trening Samuel Masawa, trupela man bilong wok egrikalsa na fil opisa bilong Ramu NiCo long Inlen Paiplein eria, Samuel Masawa wantaim Seth Win i kamapim long strongim ol mama long ples na haus-lain.

Mista Wahwah i mekim strongpela toktok tu long ol meri long menesim gut mani ol i kisim na plenim gut long wanem wok mani mas go long mekim stret.

Wanpela mama i tok dispela trening bilong poltri prodaksen na sastenebol laivlihud i opim stret tingting bilong ol meri long ples long wokim ol liklik invesmen long mani ol i kamapim na wanem gutpela eria ol i ken investim long en.

Provinsal Edukesen Opisa i mas opim tingting

SEKETERI seketeri bilong edukesen, Dokta Uke Kombra i bin pasim wanpela edukesen senia opisa komprens long Lae wantaim amamas na em i strongim ol provinsal opisa long opim tingting bilong ol na senisim olpela pasin bilong mekim samting na traim kamapim ol nupela rot bilong wok.

Ol opisa i bin kamapim ol hevi bilong ol na salens long ranim wok insait long ol provins we i hat tumas. Dokta Kombra i amamas na i tok olsem em i rait kibung long ol opisa i autim wari bilong ol.

"Em i wok bilong yumi long toktok long kain bung olsem na painim ansa bilong ol problem. Mi tok tenkyu long olgeta

Provinsal Edukesen Edvaisa husat i kamap long dispela komprens," em i tok.

Dipatmen bilong edukesen i stap long givim stia long yu na helpim yu long wanem samting yu nidim long mekim wok i kamap.

Tasol mi givim salens long yupela long i mas kirap na mekim samting bilong yupela yet pastaim. No ken wet inap taim yu bungim hevi," Dokta Kombra i tok.

"Mi laikim ol TMT memba long toktok wantaim ol provins long wan wan de long ol hevi bilong wok na long hevi bilong wan wan wokman na meri wantaim.

Mipela i gat bikpela rispek long wok bung wantaim yupela long

mekim ol polisi na ol plen long wok insait long ol provins."

Dokta Kombra i tokaut gen long ol bikpela tingting bilong ol polisi na plen olsem: Namba wan long strongim kepesiti bilong ol provins na distrik; namba tu long bringim ol nupela teknoloji i go insait long wok ples na mekim ol opisa i wok narakain long pasin ol i save bihainim olgeta taim, bilong gutpela moa samting i kamap, na namba tri em long kamapim gut gavanens na akauntabiliti long gutpela sevis deliveri bai kamap; na namba foa em long lukautim gut laip na sindaun bilong ol tisa.

Ol tisa i mas amamas long mekim wok bilong ol long skulim ol sumatin.

"Yumi mas mekim ol tisa bilong

yumi amamas, i no long wokim ol traipela haus bilong ol o baim ka, tasol long ol liklik samting we inap mekim bikpela senis.

Kain samting olsem yumi mas mekim wok we bai lukim ol tisa i kisim gut ol pe na ol narapela entaitelmen bilong ol long taim na i no ken sot," Dokta Kombra i tok.

I gat bikpela hevi i save stap long ranim ol skul i no long ol sumatin tasol, nogat ol tisa tu i save painim bikpela taim long ol pe na ol narapela entaitelmen bilong ol.

Dispela Seketeri na Minista insait long gavman bilong Peter O'Neill i laik senisim dispela pasin bilong ol tisa i save lusim ol pe na ol narapela samting bilong ol long wan wan yia.



Yut, Meri na Famili

Pastor

Barbara Lunge

God i singautim meri tu long kamap lida

GOD i no save wari long lida em i man o meri, taim em i kisim tok orait na atoriti long em long lukautim ol pipel.

Long ai bilong God, pikinini man na meri em i wankain tasol. Bilong wanem em i tok long baibel olsem, yumi olgeta i kamap pikinini man bilong God tasol.

Insait long baibel i gat ol meri lida we God i onarim long givim wok long ol bikos ol i opim bel bilong ol na kamap redi long mekim wok long bihainim tok bilong em.

Wanpela bilong ol dispela meri em Deborah, husat i bin stap olsem wanpela propet na jas long taim bilong Israel i no bin gat king long lukautim ol. Em i wanpela meri husat i bin holim bikpela wok tru i gat atoriti i winim olgeta meri long baibel.

Em i bin lukautim ol pipel bilong God wantaim bel bilong mama na wantaim strong bilong wanpela soldia. Singing bilong Debora wantaim Barak long buk Hetman i tok;

"Debora, ol Israel i no mekim wanpela samting. Ol i stap nating inap long taim yu kamap. Na yu olsem wanpela mama bilong lukautim ol." Hetman 5:7

"Na Deborah i bekim tok olsem, 'Orait bai mi wantaim yu na bai yu winim pait. Tasol bai yu no inap kisim biknem, long wanem, Bikpela bai givim Sisera long han bilong wanpela meri.' Orait Debora i kirap na i go wantaim Barak long taun Kedes" Hetman 4: 9

Ol pikinini bilong Israel i save putim bilip long Debora, save bilong em long wok i save givim spes long em long ai bilong ol man. "Save bilong man i save mekim ol lain i gat luksve long em na em i ken sanap long ai bilong ol bikpela man." Gutpela Sindaun 18:16.

Debora i no go na painim kain kain rot long mekim wok bilong em olsem wanpela lida, tasol em i gat gutpela tingting i save bringim ol pipel i kam long en. Em i save sindaun tasol aninit long wanpela limbum diwai na bekim ol askim bilong ol pipel na kamapim pasin wanbel namel long ol lain i gat kros long ol yet, na long ol husat i kisim hevi long han bilong King Jabin bilong Kenan.

Debora i gat presen bilong kamap lida wankain olsem olgeta lain husat i kamap lida long olgeta taim. Em i gat gutpela pasin bilong harim toktok na strongpela tingting long harim na bihainim maus bilong God. Taim bikpela pait i kamap wantaim king Jabin, em i salim tok long Barak i kam long em na em i tokim em long tingting promis bilong God.

"God Bikpela bilong yumi, i laik givim yu dispela tok, 'Yu go na kisim 10,000 man long lain bilong Naptali na long lain bilong Sebulun na bungim ol long maunten Tabor.... Bai mi Bikpela, mi bringim Sisera, namba wan opisa bilong ami bilong King Jabin, i kam pait long yupela long wara Kison. Em bai i kam wantaim ol karis na ol soldia bilong em, tasol maski, bai mi givim ol long han bilong yupela.'" Hetman 4:6-7

Barak i les long go pait em yet. Em i laikim Debora long go wantaim em. Olsem na Debora i go wantaim Barak na amamas long bihainim strateji bilong God long winim pait.

"Debora i tokim Barak olsem, Goan, yumi go. Bikpela i go pas long yu. Olsem na long dispela de bai Bikpela i helpim yu na bai yu winim Sisera." Na Barak i kisim dispela 10,000 man na ol i lusim maunten Tabor na i go daun. Taim Barak i kamap wantaim ol ami bilong en na ol i kirapim pait, Bikepla i mekim Sisera wantaim olgeta karis na man bilong en i longlong nabaut. Na Sisera i lusim karis bilong en na i ronawe i go." Hetman 4:14-15.

Tenkyu long lidasip bilong Debora na Israel i winim pait na i lusim kalabus bilong gavman bilong Jabin.

Larim God i ken kirapim ol meri tude wantaim nek bilong profet, gutpela tingting na strongpela bel olsem Debora.

"Yu go pas, Debora, yu go pas. Yu go pas na singim wanpela song. Na yu go pas, Barak, pikinini bilong Abinoam. Yu kirap na wokabaut. Yu kisim ol kalabusman i go." Hetman 5:12

Toksave: Ol mama i gat wari, tingting planti, bel hevi yu mas kontekim mi na bai mi helpim yu. Kisim mi long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com



Sotpela prea

WANPELA pablik sevan i stap wantaim famili bilong em long setelmen.

Tasol em i gat wanpela pasin i narakain stret wantaim ol narapela pablik sevan.

Olgeta de long taim bilong lans na taim em i go bek long haus long apinun, oltaim em i stop long fran dua bilong haus lotu. Em i sanap liklik taim tasol na bihain em i go gen.

Inap 12-pela yia i go pinis em i bin soim dispela pasin bilong em. Olsem na wanpela de, narapela pablik sevan i askim em: "Boio, wanem samting yu wokim olgeta de long fran dua bilong haus lotu?"

Em i bekim: "Mi wokim prea". Na pren bilong em i lap na i tok: "Wanem kain prea yu wokim? Yu sanap liklik taim tasol ya?" Na Boio i tok: "Dispela em i prea bilong mi. 'Lord, nem bilong mi Boio ya.'"

Wanpela de, Boio i kisim bikpela sik tru na ol i bringim em i go long bikpel haus sik. Ol i bringim em i go long ICU (Intensive Care Unit) stret.

Em i pilim pen nogut tru na olgeta taim em i krai na singaut: "Lord, nem bilong mi Boio ya!" Olgeta taim em i pilim pen na em i singaut: "Lord, nem bilong mi Boio ya!"

Inap long wanpela nait, Boio i driman. Em i lukim God i kam, na wokim mak bilong kruse long poret (forehead) bilong em na i tok: "Boio, nem bilong mi Lord ya."

Taim Boio i harim dispela tok, em i amamas tru. Em i kirap long slip na sindaun. Tasol man i tokim em: "Boio, nem bilong mi Lord ya," i no stap moa.

Boio i rausim paip bilong drip, kalap aut long bet na ran i go aut long ICU rum long painim God. Ol nes i lukim em na askim: "Boio, yu go we?" Em i tok: "Boio i laik painim God husat i bin toktok wantaim mi."

Ol nes i tingting planti na ol i tok Boio i kamap longlong pinis. Ol i kisim em i go bek long ICU rum, putim em i go bek long bet bilong em. Ol i singautim dokta i kam hariap long sekim em. Na dokta i kirap nogut tru, bikos em i no painim wanpela sik i stap wantaim Boio moa. Em i kamap orait olgeta pinis.

- God i save laikim tumas man-meri i stap wantaim klinpela bodi na sol. God i no nidim planti save bilong yumi. Em i no nidim yumi long toktok planti. God i no nidim longpela prea bilong yumi. God i no laikim yumi long givim planti donesen long wokim planti bikpela bilding.

- God i lukluk i go insait long lewa bilong yumi, wanem samting tru yumi nidim long laip bilong yumi, long taim yumi wokim prea.

- Yumi gat taim long olgeta de, stop liklik na tok: "God, nem bilong mi... ya?" Dispela tok tasol em inap long God i harim. Bikos namba wan samting, God i laik bai yumi tingim em olgeta de. Harim tok bilong em na i gat strongpela bilip long em.

- Bikos God i no save pasim ai bilong em long lukim yumi, em i no save pasim yau bilong em long harim olgeta prea bilong yumi, pikinini bilong em.

'Laudato Si' long PNG

WANEM Kain ples daun yumi laik stap long en em askim we planti i bin mekim long las wik taim ol i lonsim Ensaiiklikel pas bilong Pop Francis long Sen Joseph Peris Hal long Boroko.

Ensaiiklikel leta bilong Pop em Laudato Si i autim ol wari long envairomen.

Dispela pas i toktok na givim ol wok glasim long kain wol yumi stap nau long en, na ol samting i kamap bikos long ol disisen na samting yumi yet i mekim.

Long ol toktok bilong em i go long ol Katolik pipel bilong PNG na Solomon Ailan, Apostolik Nunsio Asbisop Michael W Ba-

nach i bin tok Ensaiiklikel o pas bilong Pop i bikpela samting i lukluk strong long envairomen na kriesen we Pop Benedict XVI, Santu John Paul II na Bleset Paul VI i toktok strong tu long ol pas na tokskul bilong ol.

"Ensaiiklikel i ofaim planti sans i go long planti grup long PNG na Solomon Ailan long kam bung na wok wantaim long samting i karamapim olgeta", em i tok.

Wanpela lida meri bilong Carterets Ailan long Bogenvil em Ursula Rakova, i bin givim ripot long ol hevi we pipel bilong em i bungim bikos long hevi bilong klaimet senis.

Bikos solwara i wok long karim ol ailan bilong Carterets, pipel i bungim hevi long sot long kaikai, graun long wokim gaden, sol i bagarapim graun na no gat tisa i laik wok long hap na ol pikinini i no skul.

Mis Rakova i tok sapos yumi no mekim samting na go het long mekim yet ol samting yumi mekim nau, 9.6 bilien pipel long wol bai bungim hevi taim solwara i go antap na karim graun.

Mis Rakova i tok pipel bilong em i bungim hevi na wankain hevi em ol narapela liklik ailan insait long Pasifik i bungim.

Em i tok maigresen o pipel i lusim ples bilong ol bikos long hevi, na ol i painim nupela ples

long stap bai kamap olsem wanpela sosel, ikononik na politikel hevi.

Nunsio i tok ol hevi yumi bungim nau em bikos long ol samting we ol ris, bikpela na strongpela kantri i mekim.

"Ol pipia ol ris kantri i tromoim na go kamap long solwara na bagarapim tu win yumi pulim long en i kamapim hevi pastaim long ol liklik na tarangu kantri we i no gat inap risos na save long mekim samting," Nunsio Asbisop Banach i tok.

Em i tok maski yumi bilong wanem lotu, pipel i mas tingim kain wol ol bai lusim long ol pikinini, bubu na tumbuna bai kam bihain.

Pater George Schubbe Rehbein i dai

...Wok misineri long PNG moa long 60 krismas

OL DIVAIN Wod Misineri (SVD) long PNG i lusim wanpela memba bilong ol long las wik.

Pater George Schubbe Rehbein bilong kantri Chile long Saut Amerika i bin gat 87 krismas taim em i dai long las wik Fraide moning long SVD Haus long Hagen, Westen Hailans Provis.

Pater George em i wanpela longpela taim misineri long PNG we em i bin wok long 61 krismas insait long Pompabus peris long Wabag Katolik Daiosis long planti yia, Torembi Peris long Sepik, Wewak Daiosis na Kindeng Peris long Hagen Daiosis.

Taim em i bungim 80 krismas, Pater George i bin go bek long Hagen na stap long SVD Haus na skruim wok long Pastorel Ministri na wanem eria moa i gat nid long en. Em i save lukautim tu bikpela gaden klostu long SVD Haus.

Tasol taim helt bilong em i wok long go daun, em i lusim ol wok gaden na ol narapela, tasol em i go het yet long karimaut ol wok olsem pater na long sait bilong SVD kongrigesen.

Stat long las yia, em i no moa pilim strong tasol em i laki olsem Bruder Lambert, wanpela SVD i wok long lukautim em gut inap em i dai long bet bilong em long SVD Haus long Hagen long las Sande moning.

Liklik histori bilong Pater George em papa bilong em George tu i bin wanpela ensinia long Jeman nevi long namba wan Wol Woa, tasol em i go sindaun long kantri Chile long Saut



Yangpela Pater George Schubbe SVD.

Amerika na skruim laip bilong em long hap na wok olsem man bilong wokim sip.

Long hap, em i bungim wanpela yangpela meri Jemani tu, Augusta Rehbein Kneer, na tupela i marit na i gat famili we Pater George i wanpela long ol pikinini bilong tupela.

Mama i karim em long Ogas 24, 1928 na ol i kolim em Jorge Federico Edmundo Schubbe Rehbein.

Famili i holim strong Katolik bilip na ol i save prea, beten ko-

rona, wokim ol narapela Katolik prea na go long misa olseta moning.

Em i statim skul taim em i yangpela yet wantaim 6-pela krismas na em i go skul long "Collegio Germania", we ol SVD misineri i ranim bilong ol lain Jeman pipel i go sindaun long Puerto Varas long Chile.

Taim Pater George i gat 12-pela krismas, em i tokim papamama bilong em olsem em i laik kamap wanpela pater na ol i wabel long en.

Long yia 1940, ol i opim Maina Semineri long Santiago na George i bin gat 12-pela krismas wantaim narapela poro bilong em i kisim trein na wokabout longpela taim i go long Santiago na joinim semineri.

Em i skruim skul semineri long ol SVD skul long Santiago na bihain, go long Techny long Amerika we em i bin kisim promis long kamap wanpela SVD pater long Ogas 1952 taim em i gat 24 krismas.

Namba wan wok em i kisim em long kamap Inglis na Rilijes Instraksen tisa long wanpela bikpela SVD skul long Santiago, tasol em i luksave olsem klasrum wok i no wok bilong em.

Taim bos bilong ol SVD i go long Santiago, em i askim em sapos ol i ken salim em long mekim wok misineri long longwe ples, na ol i makim em long kam long PNG.

Olsem na Pater George i go long Sydney, Australia na kam

olsem long PNG long 1954 na namba wan ples ol i salim em long wok em long Pompabus, Wabag Daiosis. Long dispela taim, em i bin hap bilong Wewak Daiosis.

Ol i bin makim em long wok long Sikiro na em i mekim apa Ambum i kamap ol Katolik.

Long planti krismas, em i bin stap long wanpela bus haus na mekim ol wok misineri, pastoral, wok kapenta long sanapim haus lotu, konven bilong ol Sister, ol skul na ol klasrum, yut hal na ol arapela moa we peris na sios i laikim long en.

Long 1980, bihain long 27 krismas, em i kisim malolo na go long asples bilong em long Chile. Bihain em i kam bek, ol i transfirim em i go long Kasap tasol em i no amamas na bihain, em i go long Hagen, Minz na Sepik we em i bin wok long planti krismas long Torembi Peris.

Em i bin go bek gen long Hagen we em i wok long Kindeng Peris.

Taim em i gat 80 krismas, em i go stap long SVD Haus long Hagen na skruim pastoral ministri, wok pater na ol arapela wok inap em i lapun na i no strong moa na long las Sarere em i bin dai.

Wantok i no kisim ol toktok long ples we ol bai planim em, tasol bikpela sori tru long ol SVD komyuniti na ol pipel we em i bin wok namel long ol long lusim gutpela misineri olsem Pater George.



SEKAN: Pater Valentine i sekan wantaim Pop Francis long taim bilong bung.

Pop Francis i pre long PNG na SI.

AUTIM Gutnius i wanpela bikpela salens bilong ol sios long wol, hetman bilong Katolik Sios long wol, Pop Francis i tok.

Pop Francis i tok olsem taim em i bin bung wantaim Pater Valentine Gryk, SVD em Dairekta bilong Pontifical Mission Societies (PMS) tupela wik i go pinis.

Pater Valentine i bin tokim Pop Francis olsem "Sios bilong PNG na SI i salim gritings wantaim pre long em," na Pop Francis i tok em tu i pre long PNG & Solomon Ailan, na salim blesing bilong em long ol manmeri bilong dispela tupela kantri.

Long tok bilong em, Pop Francis i tok "autim Gutnius em i wok bilong olgeta sios, em i namba wan wok bilong sios. Em i bikpela salens bilong yumi na em i wei long senisim ogeta samting.

Tasol, yumi olgeta i mas go insait long dispela wok bilong autim Gutnius."

Taim bilong amamas na sapotim Tim PNG na ol arapela Pasifik tim



Sarere 4 Julai em i bikipela de tru bilong Papua Niugini. Em i de namba 15 Pasifik Gems bai op long Pot Mosbi. Na em i de we ol top spot manmeri na ol opisa bilong ol kain kain spot long olgeta kantri long Pasifik i kamap long soim strong na save bilong ol long resis long winim ol medol. Yumi olgeta i amamas na ol pipel bilong kantri i sanap bung wantaim long sapotim dispela Gems.

Gavman bilong yumi i lusim bikipela mani tru long stretim ol ples bilong pilai na slip, helpim ol spot grup long redi na nau Prait Minista i tokaut long bikipela prais mani kantri bai givim long ol lain i winim gol, silva na brons medol.

Mak bilong gol medol em K20,000, silva em K10,000 na K5,000 long brons medol. Dispela prais mani bai sutim bel bilong ol spot manmeri long traim strong bilong ol long winim wanem pilai ol i stap insait long en. Em i bikipela mak tru bilong mani na i givim luksave long bikipela hatwok tru ol dispela spotmanmeri i mekim long redi long pilai.



Long dispela wik tu, ol pipel bilong Mosbi siti i tok welkam long sampela opisa na ol teknikel lain bilong ol Pasifik kantri i stat long kamap long siti. Na bikipela amamas moa i stap long lukim na

holim dispela Oil Search Gems Rilei Baton i krungutim siti nau bihain long em i raun 96 de long ol kona bilong PNG. Ol skul pikinini na ol manmeri nating, na ol lida long komyuniti na ol gav-

man opisa i wet nabaut arere long rot long tok welkam long dispela baton rilei.

Bikipela tok tenkyu i go long Oil Search husat i namba wan sponso bilong dispela baton rilei. Dispela raun bilong baton long ol provins na distrik long PNG i wanpela gutpela mak tru bilong soim sapot long Tim PNG na tok amamas long olgeta samting i ran gut long taim bilong Pasifik Gems. Pasifik Gems i kamap tasol long Mosbi. Olgeta ples pilai i stap long namba wan siti bilong yumi. Ol pipel autsait long Mosbi i mas kam long Mosbi na lukim, o sapos ol i gat televisen bai ol i ken lukim sampela pilai.

Olsem na dispela raun bilong baton em i gutpela tingting bilong ol lain i ogenaism na ol lain olsem Oil Search husat i putim bikipela mani tru long salim baton i go long ol provins, na tu long Cairns, Australia we ol PNG husat i stap long hap i bin lukim.

Bikipela sapot i go long Tim PNG long taim ol pilai i stat long Sarere 4 Julai. Planti yia na tuhaut bilong ol spotmanmeri na ol kosa, tim manesa na ol arapela opisa i lus long redi gut long dispela bikipela gem bilong rijon.

Planti pilaia i yusim strong na save bilong ol yet long redi bikos ol i no gat mani long go trening ovasis. Tasol bikipela luksave i stap long ol i karim nem bilong PNG long wan wan spot ol i pilai long en.

Long ol wan wan spot i gat wanpela pilaia tasol o i gat ol tim pilaia. Strong na save bilong ol pilaia bai i helpim ol. Hia long PNG, yupela i makim kantri bikos yupela em ol top pilaia bilong kantri long spot bilong yupela. Na olgeta pipel bilong kantri i putim ai na sapotim yupela long pilai strong na pilai gut olsem gutpela spot man na meri, long wanem spot yupela i stap long en.

Yumi tok welkam long ol spotmanmeri bilong ol arapela Pasifik kantri tu husat i kamap pinis o i wok long kam yet long stap insait long dispela bikipela pilai bilong rijon bilong yumi.

Bikipela amamas na gut lak long yupela olgeta long dispela tupela wik hia long PNG. Spot em i wanpela namba wan rot bilong strongim gutpela pren na wok bung namel long ol spotmanmeri na ol pipel bilong kantri na rijon. Gut lak long yupela olgeta! Go Tim PNG! Soim kala bilong yumi!

Stail KILIM YUMI

Buai selas, ino save harim tok! NCDC Polis bai ronim ol o paitim ol, tasol het bilong ol i olsem strongpela buai! bai ol i salim buai yet.. Bai ol i kamapim nupela we ol trik long salim buai...



WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00


General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Stori bilong tumbuna



Kumul i kamap man

Em hia wanpela liklik stori bilong tumbuna long ples bilong mi yet. Nau mi laik tokim yu. Olsem bipo tru taim ol waitman i no kam yet na ples bilong mi i no gat man.

Tasol long dispela taim i gat tupela lapun manmeri i stap long hap long ples bilong mi.

Na tupela i no gat pikinini na tupela tasol i stap i go i go na klostu bai tupelai dai. Nau tupela i no kaikai na wanpela taim tupela i stap insait long haus na tupela yet i toktok na tingting. I go i go na klostu long tudak nau tupela i go ausait na tupela i tok olsem o mitupela stap i go i go na lapun pinis. Na mitupela i no gat pikinini na klostu bai mitupela i dai. Nau tupela i tok olsem na tupela i wari moa na tupela i stap.

Liklik taim wanpela kumul i kam pundaun long diwai yar. Long klostu tasol long haus bilong tupela. Na lapun man em i lukim dispela kumul pastaim na em soim long lapun meri. Na lapun meri em i kirap na tokim lapun man. Em i tok o lapun man yu goap long diwai na yu mas i go kisim dispela kumul

i kam daun na mitupela lukautim em. Lapun meri i tok olsem long lapun man na lapun man em i goap i go antap long diwai yar. Na em i kisim i kam daun na tupela i kisim i go insait long haus na tupela lusim em long bet.

Na long nait tupela lapun manmeri i slip na kumul i slip long wanpela bet stap. Ol i slip na long moning taim tupela lapun manmeri i lukim long bet na kumul i no stap. Tasol long bet tupela i lukim wanpela pikinini man i slip i stap. Nau tupela i save dispela kumul i kamap olsem pikinini man pinis.

Tupela lapun manmeri i amamas nogut tru olsem tupela i gat wanpela pikinini man i ken lukautim tupela.

Tupela i kirap i redim olgeta samting bilong kaikai na mekim wanpela pati bilong dispela pikinini man.

Dispela pikinini i kamap bikpela man pinis em i marit na karim planti pikinini. Nau long lain bilong mi i gat planti man i stap.

John Rutaikunda,
Goroka.

TOKSAVE:

WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail yunit inap long **K50** i kam long fon bilong yu. Salim nem, edres na mobail namba bilong yu wantaim stori i kam long dispela edres: *Stori Tumbuna, Wantok Niuspepa, C/-Word Publishing Company, P O Box 1982, BOROKO, NCD, PNG o email edres: editorial@wantok.com.pg*

Telepon namba: 3252500.

Tenkyu

Raun wantaim Wantok kru ...

Amamas wantaim Baton

Nicky Bernard i raitim

TRUTRU Yumi PNG i gat stail bilong amamasim nupela samting sapos em kam long kantri bilong yumi. Bai yumi amamas na laik lukim na tasim tu sapos yumi gat sans.

Baton rilei em i no nupela samting long yumi PNG tasol amamas bilong yumi PNG i save mekim na em olsem nupela samting stret.

Papua Niugini i bin kisim sampela baton rilei pinis long sampela yia i go pinis taim Komonwel Gem i laik kamap long Australia. Dispela Komonwel baton i bin stat long ples bilong Kwin long England. Kwin save putim toktok bilong em insait na dispela baton i save stat raun long olgeta kantri we Kwin i save lukautim.

Yumi PNG tu i stap insait long Komonwel na dispela baton bilong Kwin i save kam long kantri bilong yumi tu bipo em i go.

Dispela taim Komonwel Gem kamap long Australia baton bilong Kwin i kam long kantri bilong yumi, tasol em i no go long olgeta provins olsem baten bilong yumi.

Baton bilong Kwin i raun long tupela provins tasol na em i go long Solomon Ailan na bihain go long ol narapela Pasifik Ailan bipo i go daun long Australia long opening.

Baton rilei bilong yumi long dispela Pasifik Gem nau i gat planti amamas bilong em. Em bin raun long olgeta 22 provins insait long kantri bilong yumi Papua Niugini na kam lasim long Pot Mosbi

em bikpela siti bilong yumi na tu em bai lukautim dispela Pasifik Gem.

Long Mosbi, planti amamas i kamap, wan wan memba long tripela ilektoret bilong Nesenel Kapitel Distrik(NCD) i redim ilektoret bilong em long kisim dispela baton. Mosbi Not Wes aninit long memba bilong ol Michael Malabag i kamap stail long amamasim baton long Tunde we em raun long olgeta liklik rot bilong Mosbi Not Wes na planti manmeri na pikinini wantaim ol skul bin gat sans long holim na ron wantaim na amamas.

Long Trinde memba bilong Mosbi Not Is Labi Amaiyu tu i mekim stail long ilektoret bilong em. Planti singsing grup long sait bilong rot, planti ol sumatin na planti ol wok manmeri we binis bilong stap long ilektoret bilong em i bin kisim sans long ran wantaim, tasim, singsing na danis wantaim.

Mosbi Not Is em Palamen Haus i stap insait long en na long stapim dispela baten rilei, Praim Minista Peter O'Neil i karim kam out long Palamen na givim long Gavana Parkop na rilei i stat inap i pinis long Memba bilong Not Is Labi Amaiyu long 5-Mail long Mosbi.

Planti amamas i bin kamap wankain tasol long ol narapela provins, danis, singsing na singaut GO PNG, we nau planti bilong yumi laikim bai ol spot manmeri bilong yumi mas winim Gold na hapim nem bilong kantri bilong yumi.




Antap na daunbilo:

Planti bilong ol sumatin i bilas long provinsel bilas bilong long welkamim Baton long Mosbi Not Is. Poto Nicky Bernard.




Em nau! Ol pikinini i ken painim rot
i go long ples wantaim Wantok kru...

Sudoku



Word search grid with words circled: PAINIM, W, O, PILAI, D.

EM ORAIT



EM NOGUT

Ol wod lista hia:

- ASKIM
- AUSAIT
- BENG
- BIGMAN
- BAUTIM
- DOTI
- DISPELA
- ENEJI
- FOTI
- GURIA
- GREM
- HEBSEN
- HOTEL
- ISI
- KAKAO
- KAPA
- KIAU
- KOKI
- LAITA
- LITA
- MAMBU
- MAP
- MOTOBAlK
- PRAIPAN
- PULIM

X N T M B W Y P W G I K L T X J L T Q I
A O N O N J A Z S F S M T L E N R R M R
L A P N E Z Y S H J X W C M Z N R R B P
U F B X L I T B I V Z G P H L T G A P Y
B H A S E S A A R I C H I A E F E E E E
G X D N Y I F A H E S B T N E D M H W U
Q M Z T S R Z K E K I I B E N G R N E N
U G A C T K L B I O L G M T E E O L U I
I R R P D S X A S K I M N I J A R F X I
W R K I A U T L I I B A U T I M I S O S
L J A R V O S V D T P N G R E M E O B S
S M K Z R D D K I I A S U O I P H H A P
E A A D O T I A A E R G Q C I T F O F L
R S O M H A S R O D N A E B D Z P T I U
F E O A B U P N M S O P U N N O N H S B
Q O S O A U E I S E T E N E D L T E I I
H O T P L S L Q G R A R E L E Z D C F T
D O A I B U A S O E M E S M A Y B K G R
M K Q E P D U G M Y T C T E I G N O T E
C K H O T E L S D O R B G O Z N D E E M

	9	6					
	1		6	3			4
		5		9		6	2
5					7	2	
		8	5		3	7	
		1	2				3
2	3			5	8		
8				2	1		3
					5	2	

				5	2		6
7		5			8		2
3		6	4			1	
	7	1			3		
4				1			7
			7			2	8
		4			1	3	6
	3		9			5	2
	9		3	2			

Ansa bilong Sudoku # 115 na # 116 neks isu

7	5	1	8	9	6	4	3	2
4	3	9	7	5	2	1	6	8
6	8	2	3	4	1	5	9	7
5	9	4	2	7	3	6	8	1
1	2	8	5	6	4	9	7	3
3	6	7	1	8	9	2	4	5
2	7	6	4	3	5	8	1	9
8	4	5	9	1	7	3	2	6
9	1	3	6	2	8	7	5	4

4	3	7	2	1	9	7	8	5
2	9	6	4	8	5	3	7	1
5	1	8	6	3	7	9	4	2
8	6	9	1	7	2	5	3	4
3	7	5	9	4	6	1	2	8
1	2	3	8	5	3	7	9	6
6	5	2	7	9	8	4	1	3
7	8	1	3	6	4	2	5	9
9	4	3	5	2	1	8	6	7

Ansa bilong las wik Sudoku # 113 na # 114

Ansa bilong Wod Pilai isu 2128

Word search grid with words circled: VOGWZK, INGEUS, ICDN, PECL, SEIHPLA, HRBNECR, FOMILD, MEFLEAV, NRDDJ, LYBUMEHV, CFKNEUE, QJHFE, IRBKBDDR, SNLDLKN, ENBOSEJ, QDUBPC, GKRNOMAME, ENRHRGEOOLM, DKHOPBLTPXOP, KGJSNIAL, EEPGIHI, UOSERRECUWLN, PSHAMET, PMLWDIT, OIEITU, NBWIPNPEOX, ISSNTPGMT, LISNSAR, LETKPKPEGATFCA, OCCSNOTATLALRN, TIWENV, PONINIEIX, NLTDOMPMILO, MVRDLRIHY, GALMSREFETT, DGOWKNEANGPT, IBTIMETN, EXBBSUQIR, IOESLGUMJEN, OZSEYOYSS, NBBEISLRREN, FQLSNIX, KTAECMIK, SIMEM, EIFC, MDGUS, BUBNEXFTIV, OSJLIVALLIS, RZSTBREINO



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Korapsen i bikpela moa long PNG: Sam Basil

DEPUTI Oposisen Lida long Papua Niugini, Sam Basil i tok PNG i sting tru long korapsen.

Na Mista Basil i tok ol zhiusman-meri long PNG i mas sem bikos ol i no wok strong long tokaut long dispela hevi.

ABC nius ripot i tok Mista Basil i mekim dispela toktok bihain long Special Broadcasting Service (SBS) bilong Australia i bin tokaut olsem tupela senia loya bilong PNG i bin tokaut long ol rot em ol pipel i ken bihainim long salim ol korap mani namel long Australia na Papua Niugini.

Dispela tupela loya, i bin tokim wanpela program bilong SBS long las wik Tunde nait olsem i gat ol kain kain wei em ol pipel i ken salim mani long PNG i go long Australia.

Siaman bipo bilong enti korapsen lain, Task Force Sweep, Sam Koim i bin askim Australia long lukluk long dispela kain pasin na wokbung wantaim PNG long stopim ol PNG pipel i save salim kain mani olsem i go long Australia.

Ol Melanesia lida i wanbel long planti samting

BUNG bilong ol lida bilong Melanesian Spearhead Group (MSG) i bin pinis long Honiara long Fraide wantaim strongpela tingting bilong ol Melanesia kantri i wokbung long kamapim gut Melanesia rijon.

ABC Nius ripot i tok Praim Minista bilong Solomon Ailan, Manasseh Sogavare na Praim Minista bilong PNG Peter O'Neill, i opim nupela opis bilong PNG long Honiara.

Planti nius lain long rijon i bin putim ai long membasip bilong MSG. Ol MSG lida i givim Obseva Stetes long United Liberation Movement for West Papua, na Asosiet Membasip long Indonesia.

Tasol membasip em i wanpela liklik hap bilong ol samting we Melanesian Spearhead Group i bin lukluk long en.

Melanesian Spearhead Group i gat hetkwata bilong en long Port Vila long Vanuatu. Dispela i bin namba 20 miting bilong en long Honiara we ol senia gavman opisa i bin kibung

long 18 na 19 Jun.

Bihain long dispela, ol foren minista i bung long Jun 22 na 23, na bihain ol lida holim Ritrit na Plenari miting bilong ol long las wik Fonde na Fraide.

Siaman bilong lida miting i bin Solomon Ailan Praim Minista Manasseh Sogavare. Ol arapela lain husat i bin stap tu long dispela miting em mausman bilong FLNKS ol Kanak long Nu Kaledonia Victor Tutugoro, Praim Miista Peter O'Neill bilong Papua Niugini, Praim Minista bilong Fiji Frank Bainimarama na Dairekta Jeneral bilong Opis bilong Praim Minista bilong Vanuatu, Johnson Naviti.

Het tok bilong dispela bung em 'Let's Build a Strong Melanesia in the Pacific Where Peace, Progress and Prosperity Is Ensured and Sustained for All.'

Aninit long dispela toktok nau ol i bin mekim ol disisen long sait long tred, fainens, ikonomi, olsem wanem wanpela kantri i ken kamap olsem wanpela obseva o asosietet membasip, na planti arapela ripot.

Namel long ol dispela ripot em 2015 MSG Senia Opisa miting, rikaveri sapot long Vanuatu bihainim saiklon Pam, MSG Sekreteriat Progresiv Ripot bilong namba wan kwata 2015, Yut na Wimen Developmen, Implementesen bilong Noumea Akod na Dekleresen, Apdet long RAMSI Withdrawal, Proposal bilong PNG long Enhansing Ikonmik Konektiviti insait MSG na Apdet bilong PNG long Lukluk raun bilong Presiden Joko Widodo bilong Indonesia long PNG.

Ol i harim long ripot bilong PNG tu olsem Presiden Widodo em wanpela man ol i ken toktok gut wantaim.

Long sait long tred ol i wanbel long ol toktok i bin kam aut long miting bilong ol Tred Minista, Tred na Ikonmik Integresen, wanpela plen bilong Insor Fiseris Manesmen na Sasterabel Developmen, wanpela MSG Travel Kat bilong ol binis pipel long MSG rijon, na MSG helpim i go long Makronesia Tred Senta (MTC).

Na olsem ol MSG lida i wanbel long Indonesia i muv go antap long Obseva Stetes na kamap Asosiet Memba.

Maski ol i bin aplai long kamap Ful Memba, ol lida i wanbel long givim Obseva Stetes long United Liberation Movement for West Papua.

Ol MSG lida i bin kisim update tu long Implementation bilong dispela Noumea Akod na Dekleresen em

long sait long Referendum long 2018 sapos ol bai stap wantaim Frans o kamap independen kantri.

Ol i harim ripot tu bilong Solomon Ailan we bai lukim Regional Assistance Mission to Solomon Islands o RAMSI i lusim kantri long June 2017.

Ol bilum bilong PNG

PASIN bilong givim bilum long narapela man o meri em i soim bikpela luksave na wanbel i go long husat i kisim dispela bilum.

ABC Nius ripot i toktok wantaim Florence Kamel bilong Jauka Bilum Products bilong Goroka taim ol i wok long redi long ol bilum bilong givim i go long ol spot man na meri i winim ol medol long Pasifik Gems.

Lain bilong Pasifik Gem Ogenaising Komiti i wok bung wantaim ol mama long Pot Mosbi na ol mama bilong Isten Hailans provins.

Bilum em i wanpela samting i sanap makim Papua Niugini stret, olsem na ol i laikim ol medol wina i kisim wanpela liklik hap bilong PNG taim ol i go bek long ol ples bilong ol.

Dispela 2015 Pasifik Gems bai stat long Pot Mosbi long 4 Julai i go inap long 18 Julai.

PNG Klaimet refuji i sapotim Pop Francis

HETMAN bilong Katolik Sios Pop Francis i laikim ol kantri long wol i mas wok strong nau long daunim wari bilong Global Warming.

Olgeta pipel long wol i gat bikpela wok long lukautim gut graun oa envairomen na no ken kamautim olgeta samting long graun na kamapim ol hevi olsem Global Warming na Climate Change.

Ursula Rakova, meri igo pas long Tuele Peisa Inc i helpim ol Caterets pipel long Bogenvil long ol hevi bilong Klaimet Senis, i mekim dispela toktok bilong sapotim toktok bilong lida bilong Katolik Sios Pop Francis.

Long wik i go pinis Pop Francis i bin sutim tok long wol long i yusim nating ol samting i save kamapim hevi bilong klaimet senis.

Pop Francis i bin mekim dispela toktok long wanpela leta we em i askim olgeta kantri i mas mekim olgeta wok em ol i ken mekim bilong daunim wari bilong klaimet senis.

Ursula Rakova i tokim

Radio Australia olsem em i wanbel long dispela toktok bilong Pop Francis.

Ol Wes Papua Grup i gat MSG Obseva luksave

OL Melanesian Spearhead Group Lida i wanbel long givim Observer Status long ol pipel bilong Wes Papua we United Liberation Movement for West Papua bai makim ol.

ABC nius ripot i tok Melanesian Spearhead Group Leaders miting long Honiara i wanbel pinis long dispela.

Praim Minista bilong PNG Peter O'Neill i tokaut long dispela, pastaim long MSG Sekretariat i tokaut long wanpela Join Komunikei long ol samting ol lida i bin wanbel long en.

Long wankain taim, Mista O'Neill i tok ol MSG lida i wanbel long Indonesia i kamap Asosiet Memba bilong MSG.

Ol United Liberation Movement for West Papua i bin askim long kamap ful memba long Melanesian Spearhead Group, i no long kisim Obseva Stetes.

Dispela disisen bilong ol MSG lida i bringim ol kain kain wari na bikpela tingting long lida na pipel long Melanesia husat i kempen strong long sapotim ol Wes Papua.

Gavana bilong Oro Provins, Gary Juffa i tokim Pacific Beat olsem, dispela tingting em i givim sampela luksave long ol Wes Papua long MSG.

Tasol memba bilong Wes Makira long Solomon Ailan palamen, Derrick Manuari i tok solidariti muvmen bilong ol i no amamas long dispela disisen bilong MSG.

Mista Manuari i tok bai ol i gohet long pait long sapotim Wes Papua long MSG em Solomon Ailan nau i sia long en.

Long wankain taim, ol United Liberation Movement for West Papua i tok ol i amamas long ol Melanesian Spearhead Lida i wanbel long givim Obseva Stetes long ol.

Tokman bilong ol, Benny Wenda i tok ol i bin kempen strong wantaim sapot bilong ol pipel long rijon, na dispela i wanpela step klostu long kamap memba bilong MSG.

Vanuatu Suprim Kot i tok palamen i mas dibet long mosen

SUPRIM Kot bilong Vanuatu i bin rul olsem palamen i mas bung long dibetim mosen bilong vot i no gat bilip long nupela Praim Minista Sato Kilman.

ABC Nius ripot i tok nupela lida bilong Oposisen, Edward Natapei i bin givim notis long dispela mosen bihain long praime minista bipo, Joe Natuman na gavman bilong em i bin lus long mosen bilong vot i no gat bilip long Jun 5.

Tasol nupela Spika bilong palaman we gavman bilong Sato Kilman i makim bihain em i kam long pawa, Marcelino Pipite i rausim dispela mosen bilong vot i no gat bilip long wanem em i tok dispela mosen i no stret.

Mista Natapei i apil long disisen bilong Spika Pipite, na kot i rul olsem palamen i mas bung long Tunde long wik bihain long paitim toktok long dispela mosen bilong no-konfidens long Praim Minista Kilman.

Wes Papua amamas long Solomon Ailan

OL lida bilong West Papua husat i stap arere long kibung bilong ol lida bilong Melanesian Spearhead Group (MSG) long Honiara i tok amamas stret long toktok bilong Praim Minista na sapot bilong pipel bilong Solomon Ailan..

Ol Wes Papua lida i amamas long toktok bilong Praim Minista Sogavare.

Ol Wes Papua lida long Honiara i gat hop yet long kamap ful memba bihain long toktok bilong Solomon Ailan Praim Minista, Manasseh Sogavare long taim bilong opim kibung bilong ol MSG lida.

Lida bilong United Liberation Movement for West Papua, Benny Wenda i tok ol i amamas tru long toktok bilong Mista Sogavare na sapot ol i bin kisim long ol pipel bilong Solomon Ailan.

Mista Wenda i tok stat long taim ol i kamap long airport long Honiara, ol sapota long olgeta hap long komyuniti i bin go bungim ol wantaim Morning Star plak bilong Wes Papua na ol i wokim ol kempen long Honiara.

Bogenvil i ken kamapim turis bisnis

WANPELA turis bisnisman long Bogenvil Zhon Bosco Miriora i tok Bogenvil wantaim olgeta hap bilong

Papua Niugini i gat bikpela sans na ol samting long developim turis bisnis.

Mista Miriona papa bilong Bougainville Experience Tours i tok ol klinpela envairomen, pasin tumbuna na ol pisin long ol bikbus inap pulim planti turis i go long Atonomus rijon bilong Bogenvil.

Mista Miriona i bin stap long South Pacific Tourism Exchange long Melbourne, Australia long wik i go pinis.

Planti turis bisnis lain bilong olgeta hap bilong Pasifik i bin stap long dispela bung em Australia Tourism na South Pacific Tourism Organisation i bin go pas long en.

Mista Miriona i tok gutpela envairomen inap helpim ol pipel i kisim mani nau na long bihain taim.

Bisnis bilong Mista Miriona i save stretim rot bilong ol turis i go long ol sip na balus long go wokabaut long Bogenvil.

Hela Provins i pait egensim korapsen

GAVMAN bilong Australia aninit long PNG - Australia Law and Justice Partnership - Transition Program (PALJP-TP) i wok bung wantaim Hela provins long stopim ol korap pasin insait long gavman.

ABC Nius ripot i tok Pius Pape, Deputi Provinsal Edministreta, Distrik na Lokal Level Gavman Afes long Hela Provins i tok pasin korapsen nau i kamapim ol bikpela bagarap long olgeta hap bilong Papua Niugini.

Em i tok olgeta pipel insait long gavman na olgeta hap long komyuniti i mas wok bung bilong stopim o daunim dispela hevi long provins.

Mista Pape i mekim dispela toktok bihain long ol wok em ol i mekim nau bilong daunim korapsen insait long provins.

Em i tok tu olsem, korapsan i wanpela pasin nogut i wok long kamap strong nau long ol komyuniti na i save bagarapim ol wok bilong bringim sevis i go long ol pipel.

Toktok bilong Mista Pape i bihainim tu ol woksop em ol i bin mekim long skulim ol opisa long luksave long ol korap pasin i save kamap, na sampela rot ol i ken bihainim long stopim.

Palamen i mas banisim pablik mani

Stanley Nondol i raitim

GAVMAN i mas kwiktai mekim kamap lo bilong putim ol institusen bilong lukautim pablik mani long stopim ol stil pasin bilong haitim bikipela milien kina na salim go ausait long kantri.

Oposisen lida Don Polye i bin kamap long wanpela redio tok bek program long FM 100 redio na em i tok bikipela mani bilong pablik i wok long lus long pasin korapsen long planti yia bikos gavman i westim taim long sanapim ol bodi bilong putim was long pablik mani.

Mista Polye i tok i gavman i no kisim bilong Soveren Welt Fan na Ekstretive Industri Trensperensi Inisitiv (EITI) i go long palamen long oraitim na sanapim ol opis long banisim ol bikipela win mani bi-

long PNG i kam long ol risos.

Mista Polye i mekim dispela toktok bihain ripot i kam aut long PNG midia na SBS TV ripot long Australia olsem planti doti mani long PNG i go long Australia. Na long dispela ripot, Australia Federal polis i tok klostu olsem K500 milien bilong PNG i save go long Australia long pasin korapsen.

Mista Polye i tok SWF bil em i impoten bil na gavman i mas kwiktai kisim i go long palamen long kisim tok orait bikos i no gat wanpela bodi aninit long lo i stap nau long lukautim winmani bilong PNG LNG na ol arapela bikipela winmani.

Em i tok EITI tu em impoten bikos ol hevi olsem mani laundering o stilim mani long PNG na go long narapela kantri, EITI em bilong go pas long putim was

long ol kain pasin bilong stil i save kamap long bikipela level.

Em i tok ol i bin laik kamapim SWF bil long palamen long 2013 na 2014 bipo long kantri salim LNG ges go aut long wol maket. Tasol i no kamap yet na kantri salim 100 sipmen bilong ges long wol maket pinis.

Oposisen lida i tok pasin korapsen bilong stilim mani em i antap moa na planti ol lida na bikipela bisnis lain i gat nem i wok bung long stilim ol risos bilong kantri. Em i singaut long gavman na olgeta memba bilong palamen long ol i mas toktok strong long banisim mani bilong ol pipel.

Mista Polye i tok wanpela gutpela rot long sevim bikipela milien long no ken lus em long oraitim SWF bil na stronigm wok bilong EITI.

PNG bai putim tred misin long Geneva

Stanley Nondol i raitim

MINISTA bilong Tred, Komes na Industri, Richard Maru i strongim membasip na komitmen bilong PNG long Wol Tred Ogenaisesen (WTO) las wik long Geneva na lukluk long PNG gavman i putim embesi long Geneva, Swiselan .

Mista Maru i tok taim PNG i kamap ful memba bilong WTO long 1994, i no bin gat wanpela pemenen opis long makim kantri long Geneva long wok long hap long luk-save long olgeta hevi, wari na go pas long bisnis intres bilong kantri.

Em i tok PNG Embesi long Brussels i bin wok hat long planti eria long Geneva long makim maus bilong kantri long wok bilong Yuropien Union (EU) na Esia Karibien na Pasifik long eria bilong politikel, ikononik na ol sosel isu. Mista Maru i tok ol dispela hatwok bai pinis taim Papua Niugini i putim wanpela opis long Geneva.

Mista Maru i tokim Dairekta bilong WTO olsem PNG gavman i mekim disisen pinis long makim wanpela embeseda na i wok yet long putim wanpela pemenen opis long Geneva.

Embeseda bilong WTO, Roberto Carvalho Azevedo i tok welkam long disisen bilong PNG gavman na i tok Swiselan gavman i save wok klostu wantaim ol embasi long Geneva na wankain wok poroman na helpim bai go long PNG taim PNG gav-



Minista Maru na Embeseda Azevedo long Geneva, Swiselan las wik.

man i putim pemenen opis long Geneva.

Mista Maru i tok ikononik bilong PNG i gro long 8 pesen long las 14 yia na wok long gro yet long go antap long 15 pesen. Na em i bikipela gro insait long Esia Pasifik bihainim ol bikipela risos projek na ol infrastraksa developmen.

Mista Maru i tok bikipela salens bilong PNG em long daunim ol bikipela kost bilong wokim bisnis na dispela i bai kam daun wantaim planti kompetisen long bisnis.

Em i tok PNG i lukluk long daunim ol eksport bilong ro materiel na laik go insait long daun strim prosesing na lukluk long eksportim ol prodak bilong ro meterel.

WTO Dairekta Jenerel i

tok PNG i mas kamap long spesel WTO miting bilong Global Eid bilong Tred Reviu we bai kamap long dispela yia long Geneva we olgeta impoten developmen fainensia bai go bung long toktok long ol Eid Pekej bilong ol tred dil wantaim ol developmen ikononik.

Mista Maru taim i kam bek long Geneva las wik i tok wanpela bikipela salens nau em long dipatmen bilong em long developim ol yangpela Papua Niugini long ol bikipela skul long eria bilong intanesenel tred na lo long helpim kantri long ol eria bilong tred long wol level.

Mista Maru tu i makim maus bilong gavman na askim Embeseda Azevedo long kam long PNG neks yia.

Opereta long Ramu NiCo main kisim wok etiks na sefti trening



OI Ramu NiCo KBK ekskeveta opereta tim wan kru long trening las wik.

MOA long 200 opereta o lain bilong wok wantaim bikipela masin na trak long Ramu NiCo Kurumbukari Main Divisen long Madang provins i bin stap insait long wanpela main sefti na wok etiks trening long mun Me na Jun long dispela yia.

Dispela in-haus trening we kampani yet i givim em long givim strong na gutpela tingting long olgeta main opereta long wei bilong wok. Dispela trening tu bai givim ol save long wok bilong sefti na abrasim ol hevi na birua we i go wantaim Main Sefti Ekt, na tu bringim ol opereta long save long main wok etiks o pasin bilong wok stret.

Ramu NiCo Main Teknikel Trening Kodineta na trena, Philip Narokobi Baiwog i tok total olsem 214 opereta olgeta i bin stap insait long dispela trening we i stat long namel bilong mun Me na pinis long mun Jun 2015.

Namel long 214 opereta em 32 dosa opereta, 112 em

ol Volvo opereta, 45 em ol ekskeveta opereta, we em ol nupela na olpela wantaim i stap insait long trening.

Insait long dispela taim nau we Ramu NiCo i wok long wok i go insait long 85 prodaksen kapasiti mak bilong en long pinis bilong dispela yia 2015, sefti bilong ol wokman na ol masin bilong en em bikipela samtung tru na trening em bikipela eria kampani i strongim.

Trening bai go long ol arapela seksen tu em long wasing plent, woksop we ol wokman olsem ol ikwipmen disel fita mekenik i wok i stap long en na tu ol arapela.

"Mipela i traim long sensim kain lukluk bilong ol wok lain long sait long pasin bilong ol long wok na wok we i ken bringim gutpela prodaksen we i kam wantaim sefti na stendet bilong wok etiks," Mista Baiwog i tok.

Mista Baiwog i tok dispela em namba wan kain in-haus trening long sait long sefti na

wok etiks bilong ol main opereta na olgeta wok lain i amamas tru long trening ol i kisim.

"Mi kisim gutpela ol tok amamas i kam long ol boi husat i tokaut olsem ol i wet long kisim kain trening olsem long sampela taim," Mista Baiwog i tok.

Mista Baiwog yet em wanpela profesenel asesena trena na i gat Setifiket 4 long Trening na asesmen long wok ples. Em i wanpela kwalifaid tredsman long welding, na em i gat Mastas trena setifiket luksave i kam long Nesenel Trening Kaunsil, setifiket long vokesenel trening, diploma long Trening Teknikel, Digri long Adalt Edukesen na wanpela mastas long Teknikel na Vokesenel Edukesen Trening long Australia.

Em i stat wok wantaim Ramu NiCo long KBK Main long Epril 27, 2015 bihain long em i wok sotpela taim wantaim Yunivesiti ov Goroka (UOG).

ANZ na KK Kingstone bai wok bung

Stanley Nondol i raitim

ANZ Benk na K K Kingstone i sainim agrimen long tupela bai wok bung long groim bisnis insait long kantri long ol yia i kam.

Aninit long wanpela agrimen tupela sainim long las, bai lukim KK Kingstone i ken kisim ol helpim long benk long olsem dinau long groim bisnis insait long kantri.

KK Kingstone em wanpela bikipela kampani save wokim ol plastik, ol kain kain samtung bilong wok gaden na ol

arapela em kampani i save wokim insait long kantri yet.

KK Kingstone i wok bisnis long kantri long 42 yia na i gat 800 wokman na meri.

Sif Eksektiv Opisa bilong kampani Michael Kingstone i tok kampani i lukluk long wokim wanpela faktori bilong Bafa Tenk long Lae, Morobe provins na dispela agrimen i putim kampani long gutpela rot long bisnis na planti pipel long PNG i ken kisim gutpela sevis.

Mista Kingstone i tok bisnis long Papua Niugini i gro strong

na i tok kampani bai go het na strongim na groim bisnis.

Mista Kingstone i tok kampani i gat bikipela graun long Lae pinis na wantaim helpim bilong ANZ benk, kampani i gat plen long wokim ol sampela nupela faktori long kantri bai karim kaikai.

Long dispela taim i no gat wanpela bisnis developmen kampani bai mekim tasol agrimen wantaim benk i opim rot na putim kampani long gutpela mak long planti plen bilong kampani bai karim kaikai.



CEO bilong KK Kingstone, Michael Kingstone na ANZ PNG CEO Mark Barker bihain long tupela i sainim agrimen long las wik.

Planti kantri i kamap pinis long Mosbi ..redi long stat pilai long Sarere

TUPELA de pastaim long 2015 Pasifik Gems i stat long Sarere Julai 4 tasol, planti ol ailan kantri long Pasifik i kamap pinis long Mosbi na ol i stap nau long Gems Viles long Yunivesiti bilong PNG.

Stat yet long las wik, ol tim long Vanuatu, Kuk Ailan, Samoa, Tahiti, Tonga, Fiji, Palau, Guam, Nu Kaledonia, Nu Silan na Australia i kamap pinis. Sampela bai kamap tude na tumora Fraide na long Sarere yet, em nait bilong em, opening seremoni bilong dispela bikpela pilai long Saut Pasifik rijon bai kamap. Tim PNG tu i go stap nau long Gems Viles long UPNG, stat long aste.

Toktok bilong sampela

bosman bilong ol tim log kantri bilong ol i autim tingting bilong ol olsem ol wan tim bilong ol i redi long pilai strong egensim ol PNG etlit na pilaia we ol i lukim olsem strongpela tim.

Tim lida bilong Australia na man i winim gol medol bilong Australia long 2012 Olimpik Gems, Malcolm Page i tok em i amamas long Australia i stap insait long 2015 Pasifik Gems wantaim ol narapela kantri long rijon, na lainim long ol.

Australia i gat 43 etlit na ol bai resis long taekwando, weiltifting, ragbi 7's na seiling.

Tim lida na kosa bilong Nu Silan, Anthony Hudson i amamas olsem dispela em i

namba wan taim long kantri bilong em i go insait long Pasifik Gems na ol bai pilai strong long win na kwalifai long Olimpik Gems bai kamap long neks yia.

Tim lida bilong Nu Kaledonia, Christopher Dabin i tok 329 etlit bilong em bai pilai long 22 gems. i gat 28 spot ol kantri bai resis long en long dispela 2015 Pasifik Gems.

Nu Kaledonia i gat ol srtrongpela na gutpela pilaia we i save kam top long ol Pasifik Gems wantaim ol top pilaia i winim planti gol na ol arapela medol.

Mista Dabin i bilip olsem bai gat strongpela resis na PNG bai wanpela strongpela tim long pilai na resis wantaim.

Oil Search Pasifik Gems Rilei long NCD

OILSearch Pasifik Gems Rilei nau i wokim ol laspela ran bilong em insait long Nesenel Kapitell Distrik (NCD) bihain em i kamap long bikpela na kalakala welkam long siti long dispela wik Mande.

Em i wokim ol raun insait long tripela ilektoret olsem Mosbi Notwes na ol skul na pablik long Tunde, Notis long Trinde, Mosbi Saut long tude na long tumora Fraide, em bai raun long ol ples long Hiri wes na laspela raun em Sir Hubert Murray Stedium stat yet long 5kilok apinun.

Taim em i kam kamap long NCD, ol asples Hiri lagatoi i bin putim gutpela welkam na Ela Bis i bin kamap kalakala wantaim ol singsing grup bi-

long ol Motu Koita viles wantaim ol stail na kalakala tumbuna bilas, singsing na danis.

Ol lain long Gaire viles i bin bildim Klseraba Four lagatoi we i karim Baton na Sentrel Provins Gavana, Kila Haoda i kam long Ela Bis nambis taim ol lain long ples Boera i bin wokim Bogebada, na ol pleslain bilong Lealea i wokim Kevaubada na ol i bin bung wantaim na bihainim Kiserebada Four long Manumanu Ailan i kam long Ela Bis.

Embaseda bilong Oil Search, Gereaa Aopi i bin givim Baton i go long Nesenel Kapitell Distrik Gavana, Powes Parkop long makim kam bek bilong Baton long ples we em

i bin statim 95 de i go pinis.

Bihain long welkam bilong Gavana Parkop, rilei i raun long ol Motu Koita viles insait long Hiri Is olsem Korobosea we ol pikinini i bin putim ol tumbuna bilas na ran wantaim wanpela biknem Tim PNG pilaia, Mae Koime.

Bihain Baton rilei i go olsem long ples KiraKira, Pari na Vabukori we ol pipel i tok welkam na selebret.

Long Tunde nait, Baton rilei i bin ran wantaim Tim PNG long Mari Bareks bipo ol i go long Gems Viles long redi long pilai long Sarere.

Ol laspela raun bilong en em tude na tumora bipo em i go long Sir John Guise Stedium long tumora 5 kilok apinun.



Ol pikinini long Kelerakwa, Abau i welkamim Oil Search Baton rilei taim em i kamap long ples bilong ol.

TPNG i tokaut long ol singsing



Bosman bilong TPNG, Richard Kassman i sanap wantaim Dadi Gee, wantaim ol narapela wokman.

Philemon Tame i raitim

TIM PNG (TPNG) i tokaut long ol singsing na singaut we ol pipel bilong PNG bai singaut na singsing wantaim long sapotim ol pilaia bilong yumi.

Sef de Misin bilong TPNG, Richard Kassman, i tok, "Singaut na sapotim wanlain em i pasin tumbuna bilong yumi ol PNG taim ol i save kropsait wantaim ol narapela lain.

"Long wankain pasin tasol, mipela i kamap wantaim ol

singsing na singaut long sapotim ol pilaia bilong yumi long ol i ken kisim moa strong na pilai gut."

"Em i no bilong salensim ol long sapot tasol, nogat. Em i narapela kain rot we mipela bai soim ol pilaia bilong ol narapela Pasifik Ailan Kantri olsem yumi bai winim olgeta gem," Kassman i tok.

Kassman i tok moa olsem, "Mi putim ol dispela singsing na tok singaut long olgeta redio na televisen stesin long yumi ol pipel bilong PNG i

ken lainim kwiktait bilong givim sapot."

Ol PNG yet i kamapim ol dispela singsing wantaim 5-pela tokples olsem Suau, Nakanai, Melpa, Tok Pisin na Inglis, we PNG i bung wantaim na kamapim dispela gem.

TPNG i tok tenkyu long CHM i helpim em long komposim ol dispela singsing na ol singaut, we namba wan atis o singa bilong PNG, Dadi Gee na ol narapela wokman bilong em tu i bin go pas long en.



Yangpela man i samsam wantaim Baton antap long tais ples long Abau. Ol Poto: MadNESS Photography



OEMP Odit o Wok Sekim Kamap long Ramu NiCo



Bikpela sedimentosin kontrol pondlong KBK Main.

ANINIT long lo bilong main-ing indastri long PNG ol op-eresinol envairomen menesmen plen (OEMP) i mas gat wok sekim i kamap long ol long olgeta yia. Wankain samting tu i save kamap long Ramu NiCo Menesmen (MCC) Limited.

Long dispela yia Ramu NiCo (MCC) i larim ol outsait lain i go sekim ol wok bilong en insait laong OEMP stat long Jun 2 i go Jun 7, 2015.

I bin gat ol odit o wok sekim i bin kamap long stat long kontraksen taim bilong projek, na wanpela long ol i bin kamap long 2013 bihainim lo long karimaut ol odit.

Ramu NiCo i gat sot-taim OEMP tok-orait i kam long Dipatmen bilong Envairomen na Konsevesen (DEC) we i save stap wanpela yia.

Olsen na nau DEC, i redim wanpela outsait lain o ted-pati long karimaut wok sekim o odit.

DEC nau i senisim nem bilong en i go olsem Konsevesen na Envairomen Proteksien Atoriti (CEPA).

CEPA i putimaut wanpela tenda long ol outsait save-man long wokim odit na dispela tenda em BMT WBM bilong Australia i winim long karimaut wok sekim long OEMP bilong Ramu NiCo (MCC).

Dispela odit tim bilong BMT WBM em tupela saveman Jeremy Visser wantaim Dave

Houghton bai go pas long en. Ol lain long CEPA husat bai stap wantaim em Dokta Lemas Pangum wantaim Robert Sine, na ol lain blong Ramu NiCo em Steven Liwei na Zhou Pan.

Bihain long olgeta risalt o painimaut i kamaut CEPA wantaim Ramu NiCo bai givim olgeta ripot bilong OEMP na wanpela long-taim tok-orait bai kampani i kisim long karimaut ol wok bilong en insait long operesen na ol odit bai i ken kamap bihain long olgeta tripela yia.

Ol lain odita o saveman i givim moa taim long lukluk long ol pepa wok na tu glasim ol envairomen pemit na ol polisi, ol monitoring plen, kwatali ripot na ol risk asesmen na ol arapela sefti na envairomen pepa.

Ol lain odita na saveman i tokaut tu long ol sampela wok we ino kamap yet long go wantaim stendet.

Tasol long jeneral wok sekim na painimaut, ol lain odita na savemen i amamas olsem planti ol OEMP plen bilong Ramu NiCo long sait long rihabilitesen, kontrol mesa long sedimen kontrol, monitoring, sait menesmen, lendfil menesmen na wok stretim i kamap orait tasol.

Ripot bilong dispela odit em ol lain odit tim bai redim na givim long CEP na Ramu NiCo (MCC) bihain long wanpela mun taim.



Ol HSE wokman sekim solwara long Basamuk.

Ol HSE opisa wokim fauna sevei long Ramu riva.



Ramu NiCo Management (MCC) Ltd,
the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
in Madang

Date: August 22-25, 2015

Venue: DWU & PNG Maritime College



An initiative of:
National Apex Mining
Safety Council



Under the auspices of:
Mineral Resources Authority

Daley i tok orait long Farah bai pilai

Kosa bilong Nu Saut Wels (NSW), Laurie Daley, i larim Huka, Robbie Farah, long pilai long namba tri Stet ov Orijin.

“I gat planti baksait tingting i stap long Fara bai pilai, long wanem, em i bin kisim bagarap long han long las wik, tasol Robbie em namba wan pat bilong tim na em bai stap namba wan pat yet,” Daley i tok.

“Em i namba wan tim memba na mipela bai givim

olgeta sans long em.”

Bek rowa bilong Newcastle, Beau Scott, em i kisim bagarap long solda, taim ol i pilai wantaim Brisbane long las Fraide nait, tasol nem bilong em tu i kamap long namba wan lista bilong (NSW).

Kosa bilong Kwinslan, Mal Meninga, i tokaut long tripela senis i kamap long Maruns we, Dane Gagai bai kam pilai long wing, bikos solda

bilong em i orait.

Greg Inglis bai kisim ful-bek posisin bilong Billy Slater na Will Chambers bai pilai long senta.

Bek rowa, Josh Papalii, bai stap long sait na Josh McGuire bai kisim posisen bilong en, na Cooper Cronk bai kisim ples bilong Daly Cherry-Evens long hap-bek, bikos em i kisim bagarap long skru na em i no pilai long namba tu gem.



Lo bilong NRL i sasim Ennis long Origin bid

Lo bilong Nesenel Ragbi Lig (NRL) i sasim huka bilong Cronulla, Michael Ennis, long taim bilong bid bilong namba tri gem bilong Stet ov Orijin.

Ennis i bin mekim hai takol long Matt Scott, taim ol Sharks i pilai wantaim Not Kwinslan long las wik Sarere.

Tasol, em i tingting long rausim dispela sas long pilai long namba tri orijin, bikos

em bai kisim ples bilong Robbie Farah, long wanem, Farah i kisim bagarap long han bilong em i no pinis yet.

Ennis i sanap long kot long Trinde nait tasol em bai sanap yet long lain-hap bilong Blues, long wanem, em i kamaut klia pinis olsem em i pilaia bilong Kwinslan insait long 13 yia.

Fowod bilong Cronulla, Matt Prior, i bungim trabel long wanpela stronpela takol em

bin mekim tasol em bai no inap long lusim gem.

Bek rowa bilong Dragons, Will Matthews, bai joinim Ennis long kot, bikos em i bin mekim wanpela strongpela takol long Anthony Wilmot, hust i pilaia bilong Parramatta.

Narapela pilaia moa bilong ol wan wan NRL tim tu i bungim trabel long ol i mekim strongpela takol long ol birua pilaia bilong ol.

Farah i no klia long pilai long Orijin

HUKA bilong Nu Saut Wels (NSW), Robbie Farah, i no klia long em bai stap insait long seleksen bilong ol Blues o nogat.

Farah i kisim bagarap kwik taim long han bilong em long namba wan hap bilong pilai, taim ol Wests Tigers i pilai wantaim Penrith Panthers, we Tigers i win.

Tasol, Farah i pilai yet na i kam aut bihain long namba tu hap bilong pilai na i bin go long haus sik.

Kosa bilong NSW, Laurie Daley, i wet yet long eksrisalt bilong namba tu rowa, Beau Scott, husat i kisim

bagarap tu long solda bilong em, taim Knights i daunim Brisbane long Fraide nait.

Michael Jennings i kam pilai gen long tim bilong em, Sydney Roosters, bihain long ol polis i holim em long hap bilong putim kar long Parramatta, na em i pilai gut na ol i winim Titans long las wik Sande.

Kosa bilong Rooster, Trent Robinson, i lukim nambawan stail pilai bilong Jennings na i tok, “Misim gem na baim sel em i bikipela samting bikos Jennings i kisim strong bilong em gen.”

“Dispela nambawan pilai

bilong Jennings bai amamasim Daley,” Robinson i tok.

Daley i tok, “Jennings i no kisim wanpela ansa long kot bilong em yet na mipela bai wet yet long ansa bilong kot.”

Skipa bilong Blues, Paul Gallen, i tok long em bai malolo liklik long em i save pilai long Orijin.

Kosa bilong Cronulla, Shane Flanagan, i tok olsem Gallen bai no inap long pilai long Orijin long neks yia, tasol Gallen i tok olsem em yet i gat pawa long mekim disisen long em bai pilai o nogat.



Langerak i joinim Stuttgrat

INTANESENEL golkipa long soka, Mitch Langerak, i lusim tim bilong em, Borussia Dortmund, na joinim Stuttgart.

Stuttgart i tokaut long Langerak, huast i gat 26 kris-mas, olsem tupela i sainim tri yia kontrak taim em i stap long Swabian klap.

Em bai mekim namba wan salens bilong em wantaim wanpela pilaia long tim bilong Poland.

Langerak i joinim Borussia long yia 2010 na i pilai gut tru, tasol em i gat tupela wok long wankain taim na i lusim.



Williams i mekim gut long Kwes



SERENA Williams i abrusim namel hap bilong em long kwes.

Serena i gat 33 kris-mas na em i win long Australia Open 6-4 na Frens Open 6-1.

Wol namba wan Williams i

brukim lo long traim pilai bilong em tasol ol i lusim em.

Bihain, em i daunim olgeta na kamap wol namba 113, we foapela meri tasol i win long gren slem long wankain yia.

Long Frens open fainel,

em i kamap wol namba 33 na daunim ol narapel taitel.

Kosa bilong em, Nishikori, i tok, “Em i painim sua tasol nau em i pilim orait na em bai pilai strong long narapela pilai resis bai kamap.”

Ol SP Hunters i redi long pilai egensim ol Redcliffe Dolphins

OL i askim ol pilaia bilong SP PNG Hunters husat ol i makim ol long pilai PNG Ragbi Lig 9s long Pasifik Gems tim long strongim na pilai gut long pilai long dispela wik Sande egen-sim ol Redcliffe Dolphins.

Kosa Michael Marum i tok dispela stia ol i wok long bi-hainim long redi gut na pilai long wan wan gem i mas stap taim ol Hunters i redi long namba 10 pilai we ol i redi long win.

Marum i no save toktok tumas long tim i mas win. Em i bilip olsem ol wok i ran

gut bihainim ol stia na rul bi-long pilai na samting ol i laikim i ken karim kaikai.

"Yumi toktok long mekim stret ol liklik samting olsem pinisim ol set bilong ol siks na taim olgeta i mekim samting ol i mas mekim long en, risai bai kamap gut," Marum i tok.

Marum i tok ol wok na bikipela tingting i stap long Pasifik Gems i pulapim tingting, tasol ol kosa i toktok long ol pilaia na "olgeta i harim pinis ol toktok long foka long pilai bilong dispela Sande egensim ol Red-

cliffe Dolphins."

Tim bai kisim balus na go long Australia tude long pilai bai kamap long dispela Sande long Dolphins Oval. Pilai bai stat long 1.40pm.

Gem o pilai ya i bilong Sanel 9 TV na bai kamap tu long EMTV, tasol ol Hunters i bungim pinis ol dispela kain samting long ol pilai bilong ol long PNG yet na ovasis we i save kamap laip long PNG televisen stesen, TV Wan.

Long Pasifik Gems tim, 13 bilong ol 15-pela memba em ol Hunters pilaia i save pilai long Digicel Kap.



Kepten bilong SP PNG Hunters, Israel Eliab (long fran) i bin skorim 4-pela trai egensim Sentrel Kwinslen Capras long las wik Sande pilai long Kalabon, Kokopo long Is Nu Briten.

PNG Hunters i nekim ol Sentrel Kwinslen Capras

Michael Novingu i raitim

PNG SP Hunters i nekim ol Sentrel Kwinslen Capras long Intrus Supa Kap Kompetisen wantaim sko 68.4 na planim ol long Kalabon matmat long Kokopo long las wik Sande.

Dispela bikipela win bilong ol Hunters i kisim ol i go stap long namba tu ples long Kwinslen Intrus Supa Kap Kompetisen.

Insait long namba wan hap bilong gem bilong ol, long 5minit, Stragroth Amean i bin kisim bal i kam long Noel Zeming na brukim banis bilong ol Capras long skorim namba wan trai bilong ol Hunters. Dispela i kisim sko i go 4.0.

Noel Zeming i kik i go insait na kisim sko i go long 6.00

Bihain long 20 minit pilai i lukim Wartovo Puara junia i kisim bal, ran brukim banis bilong ol Capras na givim bal i go long Lawrence Tu na Tu i skorim namba tu trai bilong ol na kisim sko i go 10.00. Noel Zeming i kik i go insait na kisim sko i go 12.00.

Namel long 20 na 30minit, tupela tim wantaim i pilai strong tru, tasol klostu long trai lain bilong ol Hunters, ol Capras i dropim bal na David Lapua i kisim na givim siksti long 20mita na i go skorim senta trai bilong ol na kisim sko i go 16.0. Noel Zeming i kik i go insait na kisim sko i go 18.00.

Insait long 35minit, Puara Wartovo junia i kisim bal na brukim banis bilong ol Capras, na givim bal long Noel Zeming. Em i skorim trai bilong ol we i lukim sko i sanap 22.0.

Em yet likik i go insait na kisim sko i go 24.0

Long 38minit, Kepten Israel Eliab i kisim wanpela bal we ol Capras i dropim na em i givim siksti Namel long 20 mita mak na i go skorim trai bilong ol long kisim sko i go 30.0. Noel Zeming i kik i go insait na kisim sko i go 32.00 long hap taim.

Bihain long hap taim, insait long 41minit, Ase Boas kisim wanpela gutpela bal i kam long Thomsen Teteh na em i brukim banis bilong ol Capras na skorim trai bilong ol long kisim sko i go 36.00. Noel Zeming likik i go insait na kisim sko i go 38.0.

Dispela i no stopim ol Capras long skorim trai. Na long 44minit, ol ikik i go long trai lain bilong ol Hunters na Lance Kuveau i givim siksti i go kisim bal na skorim trai bilong ol Capras long kisim sko i go 38.4. Dylan Webber i kik na ino go insait na sko i sanap 40.4.

Lance Kuveau em i pikinini bilong bipo kumul pilaiman Kungas Kuveau. Ol Capras i kisim em long senisim wanpela pilaia bilong ol pepa o paspor bilong em long kam

long kantri PNG i no stret.

Dispela em i las trai bilong ol Capras, we ol Hunters i ran olsem wara long trai long winim dispela gem.

Long 45minit, Kepten Israel Eliab i kisim wanpela gutpela bal, brukim banis bilong ol Capras na skorim trai bilong ol na kisim i go 44.4. Noel Zeming i kik na go insait i kisim sko i go 46.4

Tupela tim wantaim i pilai strong na putim strongpela banis, tasol ol Hunters mangi i gat moa strong long brukim na putim banis i kim Wartovo Puara kisim bal na setim David Lapua. Em i givim siksti i go skorim trai bilong ol na kisim sko i go 50.4. Noel Zeming i kik i go insait na kisim sko i go 52.4.

Na long 77 minit, Kepten Israel Eliab kisim wanpela gutpela bal i kam long Ase Boas na em i sait step abrusim ol pilaia bilong Capras na skorim trai bilong ol na kisim sko i go 56.44. Noel Zeming i kik na go insait long kisim sko i go 58.4.

78 minit i lukim ol pilaia bilong Capras i sot win na ol i no pilai gut. Dispela i givim sans long ol Hunters i lukim ol trai i kam long Kepten Israel Eliab, Stargrowth Amean, na Nixon Borana long kisim sko i go 68.4 i lukim ol Hunters i winim dispela pilai.

GET Kriket program long Marianville na Jubilee Sekenderi

OL meri sumatin bilong Marianville na Jubilee Sekenderi skul long NCD i sain long stap insait long Kriket Program bilong strongim ol pikinini meri – Girls Empowerment Through (GET) Cricket Program- pilai resis long Sarere 20 Jun long NCD.

Marianville na Jubilee Sekenderi Skul sumatin i pilai long dispela program em i kamap aninit long wok poroman bilong Australia Gavman na Intenesenel Kriket Kaunsil em i makim ol haikul sumatin meri long PNG.

Jubilee Katolik Sekenderi na Marianville Sedenderi na Gordons Sekenderi Skul i bin kamap ol namba wan haikul long go insait long wokim ol GET Skul Klinik we em i lukim ol sumatin i kam bung wantaim long wokim ol hap de dril na lainim pilai.

Ol gel sumatin i bin kisim taim bilong ol yet long wiken na kamaut long stap insait long dispela program na dispela i mekim KBO kodineta Sue Komang i amamas tru.

Em i tok, "Kamap bilong ol gels em i soim bikipela laik bilong ol long dispela program. Insait long 7-pela wik mipela

i kisim helpim long Pasifik MMI PNG Lewas meri long go long ol dispela skul long wokim ol klinik. Nau em i redim gut ol gels long pilai gut wantaim kriket bal tru, "Komang i tok.

"Bihain long 2015 Pasifik Gems, nau mipela bai go bek ful swing long rolaut program long ol sekenderi na hai skul insait long NCD wantaim sofbal na ating bai mipela i go long strongpela bal resis tu wantaim," Komang i tok.

Bikipela tingting long GET Program em long kamapim moa yangpela meri long pilai

kriket insait long PNG moa, na long wankain taim skulim ol gel long ol kain laipstail save long nutrisen, fainenesol literesi, wok na edukesen na lidasip.

Kriket PNG i wok bung wantaim planti ogenaisesen long bringim edukesen na moa long en, em i yusim ol nesenel wimen kriket pilai meri long wokim ol klinik na ranim ol pilai resis bilong ol sumatin.

Ol Marianville na Jubilee Sekenderi skul meri sumatin i pilai resis long las wiken long Amini Kot NCD.



SOARING HIGH FOR PNG

EXCLUSIVE CARRIER FOR THE 2015 PACIFIC GAMES



Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES



BATON RILEI LONG MOSBI NOT IS ILEKTORET



Ol wok manmeri bilong Fire Service i kisim sans long ran wantaim baton.



Ol wok manmeri bilong Correctional Service pinisim ran bilong baton na mas go givim long memba bilong Mosbi Not Is na Vice Minista bilong Sport Labi Amaiyu.



Bos man bilong SP Bruri Stan Joyce i karim baton taim ol wok manmeri bilong em i ron wantaim em.



Ol wok manmeri bilong Digicel PNG i kisim sans tu long karim baton



Memba bilong Mosbi Not Is Labi Amaiyu wantaim ol bos bilong CS i givim baton i go bek long Oil Search Ruth Waram long karim go long Mosbi Saut.



Ol sumatin na ol lain long rot long Wordstrip i karim baton taim i kam long kona bilong ol.

Port Moresby to LOSUIA

Buy one Y class POM to Losuia and pay for the next 3 at **15% DISCOUNT!**

You also get a **27% discount** on rooms at Lokuia Lodge which includes meals.



www.facebook.com/linkpng

Where would you rather be?

Offer ends July 31st, 2015



*TERMS & CONDITIONS APPLY

Book online at www.airniugini.com.pg

Call Toll Free: **180 5465** or email: sales.linkpng@airniugini.com.pg / tours@airniugini.com.pg



SPOTS

**Lukim websait
bilong mipela**

www.wantokniuspepa.com

Isu 2129

Wan wik: Fonde, Julai 2 - 8, 2015.

IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna



**Emi tuna
bilong PNG**

PROUDLY
**PNG
MADE**

Manufactured by:



RD Tuna Canners Ltd.

Moa mit na
oil insait



**DIANA
Blu**

TUNA IN OIL

MIPELA REDI YA



TIM PNG PEPES i redi long kisim ol Pasifik Ailan tim husat bai pilai long Pasifik Gems long Mosbi long neks wik. PNG Pepes i redim ol gut tru taim ol statim trening kem bilong ol long stat bilong dispela yia i kam inap ol long Gem bai stat long Julai 4. Pepes i mekim sampela liklik pilai long ovasis long redim ol na nau ol katim tim i go daun long liklik lain tasol. Poto i soim tim i amamas na redi long go long kem taim Praim Minista Peter O'Neil, NCD Gavana Powes Parkop na Spots Minista, Justin Tkatchenko i tok gutbai long ol long Murray Bareks long Tunde apinun. *Poto na Stori Nicky Bernard.*

Mitsubishi FUSO Rosa Bus



Apgrd ensin
130Hp
4 silinda disel



**Ikamap Wantaim
26 na 30 Sit**



Hariap nau na go long
Boroko Motors dila bilong yu



PIKSA EM BLONG ILLUSTRASEN WOK TASOL

Port Moresby ph: 325 5255 | Lae ph: 472 1144 | Mt Hagen ph: 542 1933 | Tabubil PH: 649 9048
Kimbe PH: 983 5035 | Madang PH: 422 2659 | Kokopo PH: 982 8193 | Goroka PH: 532 3552

Email: info@borokomotors.com.pg
Website: www.borokomotors.com.pg



MP1513307-18